

那文毅公奏議

平文毅公籌畫回疆善後事宜奏議卷八十目錄

卷八十

收撫外夷

附糾彈

敘績保薦

附恭謝

天恩

驅逐偷住卡內安集延

善後交代

重陳西陲軍務

罷斥

飾終

那文毅公籌畫回疆善後事宜奏議卷八十

男
容安恭輯

收撫外夷

附糾彈

謹按道光八年四月十九日奏內

奏據卡外各布魯特比噶爾察等前來迎謁

臣優加

賞犒諭以爾等受

大皇帝天恩至優極厚如何所屬之布魯特膽敢從逆
進卡滋事本應動兵剿除不留餘類今首逆業已
生擒

大皇帝體上天好生之仁姑寬一綫倘不思報答定予

勦滅伊等伏地叩頭聲稱

大皇帝天恩實在感激前年隨從張格爾布魯特均非
我們部落之人我等屬下並沒有不畏法的察其
情詞甚爲畏懼詢之多貴亦稱烏什卡外布魯特
自來尙稱恭順等語謹

奏奉

硃批覽

謹按道光八年五月初六日奏內

奏臣那彥成抵喀之日并據卡外熟布魯特比占巴

拉特等前來謁見臣諭以爾等仰沐

天朝恩澤夙稱恭順久爲邊境藩籬自前任大臣辦案
錯誤妄殺吐爾底邁瑪特嗣又誤殺汰劣克家口
以致爾部落心存離畔

大皇帝如天之仁如日之明深知爾部落之受屈已將
前任大臣各予懲處此時張格爾業已生擒
皇恩浩蕩卽阿坦台汰劣克似亦可懇

恩寬宥本大臣奉

命前來辦理善後

大皇帝諄諄諭令安撫爾等布魯特爾等受此

殊恩當思如何報答務卽傳諭各愛曼如有從前從逆

之犯竄匿游牧地面立即縛獻果能竭忠効順本

大臣奏明

大皇帝必有破格

恩典伊等伏地叩頭聲稱

天朝厚恩我們實在感激此時尚有從逆逸犯未獲自
當傳諭各愛曼協力擒獻稍伸報効情詞實爲恭

順謹

奏

道光八年十一月初三日

奏

臣承准軍機大臣字寄奉

上諭那彥成籌辦一切事宜自己諸有就緒約計何時
可以全竣起程來京著於奏事之便先行陳奏以慰
厘盼欽此跪誦之餘曷勝感激悚惶伏思

臣

自本年

四月到喀什噶爾以來將善後應辦卡內官回諸

事已辦有頭緒惟各城邊界遼濶在在接壤布魯

特游牧自從前勘定回疆時外特布魯特爲藩籬

言及此令人扼腕

旋因撫馭失宜以致釀成巨患此時兵威震懾之

後必須普行收撫示以羈縻使之誠心向順自可

所見遠大

永奠邊圉卡外善後以收撫布魯特爲要著

臣

於

夏間會遣人馳赴各愛曼檄諭各布魯特愛曼令

其進卡謁見宣示

皇恩自六七月間進卡各部落陸續前來臣已酌加賞

賚面示撫綏令各安生理長作邊藩其深山寫遠之愛曼得信較遲未到者尚多臣蒙

恩委任又得仰仗

皇上天威聖德是以伊等尚知信服此時不俟普律來齊接見外夷轉生疑惑是仍一不了之局臣斷不敢因卡內諸事辦完情殷戀

主亟速起程致遺卡外緊要大局有負

委任惟當統俟布魯特遠近愛曼全數來齊臣當悉心

擬定撫綏安置章程詳細具奏後再行俶裝就道
約於年前總可起程回京恭覆

恩命謹

奏奉

硃批覽卿奏嘉悅之餘曷勝眷念

道光八年十一月二十二日會同喀什噶爾叅贊

大臣武公隆阿

奏爲招致附從浩罕之額提格訥布魯特全部妥爲

安撫仰慰

聖懷事竊查浩罕所屬之布魯特額提格訥愛曼在各

愛曼中爲最強共一千餘戶屬下不下二萬餘人
從前乾隆年間該愛曼比海提邁特等隨同官兵
剿滅霍集占時最爲出力該愛曼游牧在倭什地
方界隣浩罕從前被浩罕強佔曾進卡呈告當時
檄飭浩罕將搶佔之地給還嗣後浩罕又復恃強
佔伊等地方自此全部俱爲所脅問浩罕往往與
烏勒特派等處打仗全資其力實爲浩罕勁兵近
年浩罕以彈丸黑子之地敢於夜郎自大者實恃
此而不恐臣到喀後探明情形差人密諭該比阿
里瑪卡等以爾係

天朝舊奴才爾祖父俱受

重恩爾愛曼現爲浩罕所使原出於不得已浩罕於爾
部落同爲

天朝藩服爾愛曼足以自強與其爲浩罕所使更兼苛
派勒索全部不能聊生何如

大皇帝永無刻苦擾累可作

天朝之藩蔽以報

深恩爾等布魯特各愛曼均來効順俱受恩典此皆爾
等親見何等榮耀爾其率爾屬人速速歸命投誠
尙可量予恩施等語去後茲於冬月初間據喀耶

圭卡倫官兵稟報額提格訥布魯特比阿里瑪卡
巴爾底伯克西爾瑪特沙爾底巴拉愛散等五名
親自到卡攜帶隨來數人餘一千餘戶均在卡外
特依劣克達坂地方暫紮當卽派委都司郝永泰
守備劉正及伯克作霍爾頂帶同回子數名一同
到卡查與卡倫官兵稟報無異一同押赴大城臣
等當卽傳見據稱我等祖父俱受

天朝重恩不幸爲浩罕擄掠裹脅差派役使甚苦我等
久已想要投回實係無路今奉

欽差大人明白曉諭我等不勝感激歡樂如得再生所

以來投誠的至我們來時浩罕差人攔擋我們把
他們殺了許多人他纔回去了我們先來叩見大
人們隨後還有箇比就來等語查其情詞真切又
兼與浩罕讐敵似屬可信面交伊薩克妥爲照料
暫行羈留一面差人至特依劣克達坂地方攜帶
羊麪以犒賞爲名暗暗查訪僉稱我等爲浩罕所
苦多年今年夏天浩罕與烏勒特派打仗被烏勒
特派殺了他們許多人搶了他們許多牛馬羊隻
我等仍在那裏恐怕他教我們替他打仗遭蹋人
口牲畜必又加倍苛斂爲其所累不如投誠

天朝得過平安日子等語是該愛曼之投誠實出自真心臣等當卽宣示

皇上恩威查照從前該比原係三品頂翎先行給予該比阿里瑪卡三品頂翎巴爾底伯克四品頂翎西爾瑪特五品頂翎沙爾底巴拉五品頂翎愛散五品頂翎至阿里瑪卡係該愛曼打頭之人仍求皇上再加恩賞換二品頂戴使該比等知係

特恩則歸附之誠益加堅固臣等並酌賞綢緞糧食等物卽派令伯克作霍爾頂押令該比等出卡卽指與特依劣克達坂地方妥爲安置查額提格訥愛

曼兩萬餘人爲浩罕羽翼浩罕之強實由於此今而歸順

天朝所指與游牧之處卽係浩罕來往要路沿卡一帶聲威旣壯聲息亦可相通該夷羽翼頓剪其勢愈孤不久使之衰弱愈可必其恭順此皆仰賴

皇上威福邊遠部落同心歸順臣等始念實不及此從此邊疆永固外定內安於善後大局甚有裨益謹奏奉

硃批覽奏嘉悅之至然受降易撫降難卿自知之務欲使其安心効順永作藩籬稍有不妥必成後顧之虞

慎勿視爲易易凡撫馭之方或通商等事仍當妥立
章程以期經久無弊甚或浩罕加兵於彼彼必求援
應如何策應亦當議及另有旨諭

道光八年十二月二十八日軍機大臣字寄奉

上諭那彥成等奏招致附從浩罕之額提格訥布魯特
部落指與特依劣克達坂地方妥爲安置等語覽奏
嘉悅之至額提格訥前此爲浩罕所脅強佔其地現
因苦於需索遵檄率其部衆前來投誠俾浩罕頓失
羽翼固屬甚善然受降易撫降難在該部落現與浩
罕爲讐敵或不致有虛假惟伊歸附浩罕有年一旦

遵我檄諭前來未必浩罕不以我納彼叛人爲詞設
以此遣使致問豈不又生邊衅且特依劣克達坂地
方旣在卡外該布魯特等自往往牧則可亦未便卽
爲天朝指與地方令其安置該督等當體察情形妥
爲辦理慎勿視爲易易凡撫馭之方或通商等事尤
期經久無弊該部落向爲浩罕羽翼今忽徙居他所
豈肯棄若敝屣設有蠻觸相爭之事該布魯特等必
當求援不應則失信外夷應之則無此政體亦當預
爲議及該督等當諭以爾部落旣誠心歸命大皇帝
嘉爾効順將該比阿里瑪卡加恩賞換二品頂帶與

効順各布魯特愛曼一視同仁善爲撫卹爾等當自
安生計永作藩籬惟與外夷有構怨興兵之事天朝
體制從不過問不但爾部落一處爲然並非稍有歧
視如此預爲曉諭庶將來有求不應不致稍生觖望
也

道光八年十二月初十日會同喀什噶爾叅贊大
臣武公隆阿

奏爲收撫多年竄逸之布魯特併查出乖謬之章京
據實叅奏事竊查乾隆年間初定回疆內而安輯
回衆使之樂業安居外而綏徠各布魯特羈縻不

絕無事則衛我藩籬有事則用爲間諜寄以偵探
誠爲萬世不易之

良法乃自嘉慶二十一年孜牙墩滋事一案松筠以誤聽
人言致將布皮察克愛曼世襲二品翎頂布魯特
比吐爾第邁瑪特凌遲處死以致該比之子阿什
和卓率其兄弟眷口逃往浩罕各布魯特因而離
心又嘉慶二十五年張逆糾衆入卡經冲巴噶什
愛曼布魯特比蘇蘭奇入城報信被回務章京綏
善斥罵趕逐致該比氣忿出卡轉投張逆旋又有
阿坦台汰劣克戕害大臣官兵之案又係巴彥巴

圖妄殺債事失布魯特人心之事非止一端是以
上年張逆滋事布魯特中桀黠者無不從逆善良
者亦觀望兩歧此向來之實在情形也

臣去歲

陛辭出京時曾奉

面諭善後總以收服布魯特爲要著

臣

彼時實未能深

明窾要惟有敬謹存記不敢或忘迄今身臨數月
以來遂知沿卡一帶二三千里有在布魯特游牧
欲收全部須擇各布魯特素來衆人爲之抱屈又
素尊重之人著手辦理則雍齒且侯大衆自可安
心歸附

臣

於到喀什噶爾後卽令伊薩克差人傳

諭阿孜和卓蘇蘭奇已死諭其族叔拜莫拉特及
阿坦台汰劣克等語以爾等俱係恭順多年的好
布魯特從前爾等祖父都曾出力爾等現在畏罪
逃避遠方

大皇帝命本大臣收撫爾等爾等委曲之處

大皇帝聖鑒如天都知道了爾等從前罪犯悉予寬免
檄諭去後除阿坦台汰劣克另摺具奏外於十月
下旬阿孜和卓遣其弟熱仔來城投稟請安據稱
前因我父親被罪我們都攜眷逃往浩罕張逆入
卡時並未敢助逆在卡外十餘年屢次欲投回恐

大人們治罪今接

欽差大人諭帖知是我與我父親吐爾第邁瑪特俱曾
跟隨大人打圍受過賞的大人是知道我們的斷
不治我們罪我哥哥阿孜和卓先差我來請安遞
馬只求恩典仍賞我們的地方居住再與

大皇帝出力等語其譯出原稟內語句與熱仔所供相
符查希皮察克愛曼係熟布魯特乾隆年間賞與
卡內英吉沙爾附近之地方游牧該阿仔和卓等
既游牧卡外十有餘年其助逆與否原難深信此
時兵威之後招之卽來其恭順情形實無虛詐當

卽賞以六品翎頂遣令速回令其傳諭阿孜和卓作速來城再行賞給原住地方並奏明

大皇帝仍賞給伊父吐爾第邁瑪特二品翎頂現因雪大封山尙未到來其冲巴噶什愛曼布魯特比蘇蘭奇早已身故其族叔拜莫拉特及蘇蘭奇之姪拜爾第阿里雅於冬月中旬到城據稱我等從前跟隨蘇蘭奇都受過恩典的嘉慶二十五年張格爾糾約衆人已到卡倫蘇蘭奇到城報信先見章京綏大老爺大老爺正在飲酒請客聽了不信將蘇蘭奇吆喝罵出去了蘇蘭奇一時氣忿帶了我

等一百餘戶人連他的家眷逃往浩罕近年來浩
罕差使甚苦向我們要錢要羊馬我們要投回又
怕治罪今接

欽差大人的諭帖免了我們的罪准令投回我們就全
家可以得命了現在帶來的一百餘戶人在卡外
一站之喀拉塔爾地方我等只求恩典免我們的
罪等語當卽諭以爾等祖父都是有功的布魯特
爾等旣投順就是

大皇帝的好奴才爾等在浩罕地方受盡苦累而今歸

順

天朝不但賞以翎頂之榮並且賞銀子緞疋斷不要你們窮布魯特的羊馬爾等試想

大皇帝的恩典厚不厚拜莫拉特等感激流涕僉稱我們無奈投了浩罕原爲避罪如今准令投降是我們全家的造化斷不敢再有異心等語當卽宣示皇上天恩賞給拜莫拉特三品翎頂拜爾第阿里雅五品翎頂並酌賞元寶綢緞茶葉等物令伊薩克派令曉事伯克托胡達咒禱爾押送出卡指與喀郎圭卡倫外離該卡倫二百里之赫紫爾俄依地方安插伏思希皮察克冲巴噶什俱係布魯特中最

大愛曼從前以撫馭失宜俱逃至浩罕爲之羽翼
茲仰賴

皇上威福此二愛曼連前具奏之額提格訥愛曼俱慕
義來歸茲爾浩罕羽翼賴剪沿邊一帶可期久安
而且各布魯特無不聞風而至於善後大局實不
出

聖謨指示之中臣等計慮萬不能至此且俾臣等承辦
善後大得把握感仰之餘並深悅服至松筠辦理
吐爾第邁瑪特不善之處已蒙隨案譴責治罪應
毋庸議其罵詈斥逐蘇蘭奇之同務章京綏善任

性乖謬致蘇蘭奇助逆遠颺詢據彼時印房當差
之回子玉努斯所供各情與拜莫拉特等所稟相
符玉努斯供詞抄呈

御覽彼時叅贊大臣斌靜並未據實叅奏綬善旋因另
案革職發往伊犁今經年滿釋回此等僨事之員
不與以懲辦不足以示警應請

旨將綬善發往黑龍江充當苦差以爲撫綬不善者戒
謹

奏

道光九年正月十二日奉

上諭那彥成等奏收撫從前畏罪逃出之布魯特並叅辦已革回務章京一摺希皮察克愛曼布魯特阿孜和卓前因伊父被戮畏罪逃赴浩罕茲遣其弟熱仔並冲巴噶什愛曼蘇蘭奇之族叔拜莫拉特及蘇蘭奇之侄拜爾第阿里雅先後投誠情詞恭順既據那彥成等先行宣示朕恩賞給熱仔六品翎頂拜莫拉特三品翎頂拜爾第阿里雅五品翎頂著卽分別賞給至嘉慶二十五年張格爾糾衆犯卡布魯特蘇蘭奇入城報信被已革回務章京綏善斥罵趕逐以致該比遠颺助逆現據彼時印房當差之回子玉努斯

與布魯特拜莫拉特等所供相符是綏善之任性乖
謬貽誤軍機本應按律治罪姑念事屬已往著發往
黑龍江充當苦差以昭炯戒其布魯特各愛曼有來
歸附者祇可撫戢羈縻亦不必特地招致指給游牧
地方設日久谿壑難盈又將如何籌辦前經屢論及
此該督何以總未領會豈非必欲邀功轉生出許多
枝節覽奏徒增煩懣

道光八年十二月二十八日會同喀什噶爾參贊
大臣武公隆阿

奏爲布魯特全部効順酌定歲俸以示羈縻事

奏

上年

陛辭出都時會奉

面諭指授機宜以回疆善後大局惟收服布魯特爲第

一要事

臣

自出關後時時細繹遡查乾隆年間開闢

回疆以後七十年來得布魯特之力爲多前年張

逆煽亂倚浩罕爲巢穴而來往中途必由各布魯

特各愛曼出入若不與之勾串必至搶奪攔截近

年因漸失其心以致與張逆勾結肆無忌憚茲蒙

皇上指授幾先俾

臣

等辦理得其把握仰見我

皇上繩

武宏謨後

先婉美

臣

等曷勝欽悅欽服

臣

自本年四月到喀什噶爾

以來遵循

面諭分遣各員弁伯克回子等持諭赴喀什噶爾及烏什等處卡外各布魯特愛曼云

大皇帝天鑒爾等出力多年茲因張格爾入卡滋事命將出師旬日內克復四城逆酋授首

特命本大臣星馳前來解釋爾等向來心中疑懼仍普沛

恩施等諭去後近卡各愛曼俱於七八月陸續來城請

安遞馬極爲恭順其至遠如喀拉提錦等處均係
與浩罕鄰近亦俱遣人到來又如多年被浩罕脅
從之額提格訥愛曼戶口繁而且強爲浩罕羽翼
亦陸續投回已安爲安插又有冲巴噶什愛曼前
任比蘇蘭奇之子弟拜爾第阿里雅與希皮察克
愛曼前任比吐爾第邁瑪特之子熱仔與其弟鄂
斯滿等俱避罪逃往浩罕均已陸續投回前已奏
明在案伏思布魯特之性貪利多疑幸各愛曼彼
此搶劫雖父兄子弟偶以小利輒相讐隙其心不
一斷不能聚而滋患浩罕之脅服布魯特不過劫

之以強暴邇來服屬浩罕之愛曼役使既苦而索取錢物牛馬刻削難堪正當各該愛曼苦累無依之時而臣等所遣之諭適至是以相率來歸實皆仰仗

聖天子威福

廟謨耆定是以事機順利俾能固我藩籬傾心內向可期久安長治查浩罕小醜自大總當剪其附從之布魯特使之受我羈絆該夷頗失憑依始可必其恭順浩罕專恃強暴加以貪殘我

國家羈縻布魯特之計惟當反其所爲結之恩信使

夷衆有所繫心自可久安邊徼查乾隆年間舊例出力之愛曼如奇里克冲巴噶什希皮察克等愛曼皆優與世襲翎頂並酌賞緞疋銀兩作爲歲俸茲欽遵

聖明指示業已收服全部非優與翎頂酌加賞賜作爲歲俸不足以示懷柔而昭鞏固謹擬離浩罕附近之各愛曼及舊有勞績者作爲頭等其次愛曼大而恭順者作爲二等再如愛曼小而無勞績者作爲三等其頭等者給與二品翎頂元寶一錠銀四十兩三十兩緞各一疋布各二十疋其二等者給

與三品四品翎頂銀二十五兩二十兩緞各二疋
布各十疋其三等者給與五六品翎頂銀十五兩
緞二疋布十疋出臣等發給劄付遣人持送各愛
曼令其按年分給喀什噶爾所屬者至喀什噶爾
持照領賞烏什所屬者亦照依辦理臣等詳悉核
計每年所添之布魯特歲俸合用銀一千兩卽在
官鋪餘息內籌辦無需內地籌撥正欸合用布一
百零九疋亦係葉爾羌土產回衆應交賦布亦無
庸另籌共用緞七十六疋查向來新疆俸緞均由
各省織造派員撥解到甘由甘省轉運各城近來

所解之緞疋絲綢往往抽絲減料賞賜外夷不堪服用應請

旨飭下有織造各省此後撥解綢緞務當加意經理倘仍前玩視聽新疆各大臣將原解之綢緞奏明駁回原省仍將該省承辦之人議處如此通盤賞賜所費無多而各外夷無不歡欣頂戴感沐

皇仁自此各布魯特與浩罕互相攜貳消息亦通我邊疆可以休息至布魯特賞賜一項雖無關正款第恐日久不肖官員侵欺剋減致遠人向隅甚有關係應責成各大員督率印務掌印章京會同阿奇

木伯克細心經理近者親身遠者或遣子弟領去
各大臣均當面發給毋得懶於接見致有侵冒每
年終由叅贊大臣將喀什噶爾烏什等二城本年
發給之各愛曼存記註冊報部承辦之員如有侵
蝕等弊據實奏

聞從嚴辦理並另繕擬賞清單恭呈

御覽謹

奏

謹將卡外實在出力各愛曼布魯特分別勞績循
照舊制酌定每年給賞銀兩緞布數目敬繕清單

恭呈

御覽

計開

喀拉提錦愛曼

二品頂翎布魯特比薩底克

每年賞元寶一錠 綬二疋 布二十疋

四品頂翎布魯特比萬吉

每年賞銀二十兩 綬二疋 布十疋

岳瓦什愛曼

二品頂翎布魯特比阿布都熱依特

每年賞銀四十兩 緞二疋 布二十疋

三品頂翎布魯特比胡里喀

每年賞銀二十兩 緞二疋 布十疋

四品頂翎布魯特比木薩

每年賞銀二十兩 緞二疋 布十疋

五品頂翎布魯特比拜爾克

每年賞銀二十兩 緞二疋 布十疋

額提格訥愛曼

三品頂翎布魯特比鄂布魯阿孜

每年賞銀二十兩 緞二疋 布十疋

三品頂翎布魯特比阿里瑪

每年賞銀四十兩 緞二疋 布二十疋

四品頂翎布魯特比烏魯斯

每年賞銀十五兩 緞二疋 布十疋

四品頂翎布魯特比拜爾底

每年賞銀二十兩 緞二疋 布十疋

五品頂翎布魯特比西里買特

每年賞銀二十兩 緞二疋 布十疋

五品頂翎布魯特比愛散

每年賞銀十五兩 緞二疋 布十疋

五品頂翎布魯特比薩爾特胡里

每年賞銀十五兩 緞二疋 布十疋

奈曼愛曼

二品頂翎布魯特比愛散

每年賞銀三十兩 緞二疋 布二十疋

三品頂翎布魯特比阿布都熱依木

每年賞銀二十兩 緞二疋 布十疋

喀拉提依特愛曼

五品頂翎布魯特比巴海

每年賞銀十五兩 緞二疋 布十疋

提依特愛曼

三品頂翎布魯特比拜哈提巴依

每年賞銀四十兩 緞二疋 布二十疋

托拉爾根愛曼

五品頂翎布魯特比別列克

每年賞銀十五兩 緞二疋 布十疋

冲巴噶什愛曼

二品頂翎布魯特比占帕拉特

每年賞元寶一錠 緞二疋 布二十疋

三品頂翎布魯特比斯底克

每年賞銀二十兩 緞二疋 布十疋

三品頂翎布魯特阿哈拉克奇伯克阿里

每年賞銀十五兩 布十疋

五品頂翎布魯特比巴依木拉特

每年賞銀十五兩 緞二疋 布十疋

五品頂翎閑散布魯特拜爾底

每年賞銀十五兩 緞二疋 布十疋

四品頂翎布魯特比托胡達伯克

每年賞銀十五兩 布十疋

五品頂翎布魯特阿哈拉克奇巨邁

每年賞銀十五兩 布十疋

五品頂翎布魯特阿哈拉克奇伯克

每年賞銀十五兩 布十疋

布格依愛曼

五品頂翎布魯特比愛散納滿

每年賞銀二十兩 緞二疋 布十疋

薩爾巴噶什愛曼

三品頂翎布魯特比塔什琅伯克

每年賞銀二十兩 緞二疋 布十疋

四品頂翎布魯特比尼雅斯伯克

每年賞銀二十兩 緞二疋 布十疋

霍什奇愛曼

五品頂翎布魯特比帕拉特

每年賞銀十五兩 緞二疋 布十疋

蒙古里多爾愛曼

五品頂翎布魯特比舍底

每年賞銀二十兩 緞二疋 布十疋

蘇勒圖愛曼

三品頂翎布魯特比阿里汰爾

每年賞銀十五兩 緞二疋 布十疋

奇里克愛曼

二品頂翎布魯特比托依邁特

每年賞銀五十兩 緞二疋 布二十疋

三品頂翎布魯特比舍底伯克

每年賞銀二十兩 緞二疋 布十疋

四品頂翎布魯特比喀里察

每年賞銀二十兩 緞二疋 布十疋

四品頂翎布魯特阿哈拉克奇卜巴伯克

每年賞銀十五兩 布十疋

薩雅克愛曼

二品頂翎布魯特比伊里斯滿底

每年賞銀二十五兩 緞二疋 布十疋

三品頂翎布魯特比玉素普

每年賞銀二十兩 緞二疋 布十疋

四品頂翎布魯特比邁達特

每年賞銀二十兩 緞二疋 布十疋

巴錫奇斯愛曼

五品頂翎布魯特比達爾瓦什

每年賞銀十五兩 緞二疋 布十疋

察喀爾愛曼

二品頂翎布魯特比挑噶

每年賞銀四十兩 緞二疋 布二十疋

三品頂翎閑散布魯特噶里察

每年賞銀二十兩 緞二疋 布十疋

希皮察克愛曼

二品頂翎布魯特比鄂斯滿

每年賞元寶一錠 緞二疋 布二十疋

道光九年二月初一日軍機大臣字寄奉

上諭那彥成等奏布魯特全部効順酌定歲俸以示羈

縻一摺所奏甚屬冒昧從前乾隆年間平定回疆卡

外各布魯特愛曼甚多並無賞給歲俸之事彼時愛曼中之出力者並非無人如必須給予歲俸各該辦事大臣早應籌議及此當年從無一人議及可見此事斷不可行何以那彥成等此次辦理善後因各愛曼陸續來城請安遞馬極爲恭順援引乾隆年間奇里克冲巴噶什希皮察克等愛曼曾有世襲歲俸輒行分別等差給予翎頂銀兩緞布發給劄付令其按年分季持照領賞並令烏什照依辦理卡外各布魯特部落如果有奮勉出力之處朕原不靳帑藏量加恩賞現在該夷等雖相率來歸並無勞績不過請安

遞馬那彥成等違欲酌給歲俸以爲收服羈縻之計
國家無此政體且此事並非迫不及待那彥成等卽
有此籌議自當先行具摺入奏請旨遵行乃並未奏
明率行發給劄付那彥成武隆阿俱著傳旨嚴行申
飭此時業經發給劄付殊不成事必當設法停止著
那彥成札隆阿體察情形妥爲籌辦據實具奏那彥
成著仍遵前旨迅速起程於六月內到京將此由五
百里諭令知之

道光九年二月初一日奉

上諭向來新疆俸糧均由有織造省分派員撥解甘肅

由甘肅轉運各城聞近來所解之緞正絲綢往往抽
絲減料賞賜外夷不堪服用殊屬不成事體著通諭
江南蘇州杭州各織造嗣後撥解綢緞務當加意經
理倘仍前玩視著新疆各大臣將原解之綢緞奏明
駁回原省仍將該省承辦之人議處決不寬貸

道光九年正月十二日會同喀什噶爾叅贊大臣
武公隆阿

奏正在繕摺間據伊薩克面稟達爾瓦斯伯克沙伊
布拉依木差來之沙阿布都拉稟稱我們伯克今

蒙

欽差大人的恩典准我們入在

天朝奴才之內並面許奏知

大皇帝實在感激之至我來時我們伯克說大人們如果准我投誠我就是

大皇帝的奴才了我雖不能親身進京我的兒子年小擬遣我兄弟進

貢少盡我的誠心聞得說

大皇帝天威聖德地方有幾萬里大我們生長邊荒若能瞻

天仰

聖看看中國富庶就是我們的造化等語臣當卽令伊

薩克傳諭該額爾沁你們伯克情願遣弟進

貢具見忠誠本大臣卽據情具奏爾等効順真心

大皇帝必喜歡懌蒙

垂念你們部落距京爲遠不忍爾等跋涉亦未可知告
知你們伯克須靜候

諭旨再定行止歷查該部落向無進

貢舊案茲賴

皇上洪福化外重譯之夷誠心內附情切瞻

天願獻方物實皆我

皇上威無不畏

德無不懷是以舟車不至之地納欵輸誠臣等曷勝欽

仰之至並令伊薩克傳諭該伯克沙伊布拉克依木
令其聽候

諭旨謹

奏奉

硃批所見尙屬得體另有旨諭

道光九年正月十二日會同喀什噶爾叅贊大臣
武公隆阿

奏爲達爾瓦斯部落遣使遞馬懇求內附酌加賞賜

用懷遠夷事竊查卡外各布魯特愛曼全行歸順
節經奏明並聲明酌賞俸銀俸緞各情均經具奏
候

旨遵行在案查浩罕西南有達爾瓦斯部落向與浩罕
爲讐人民亦屬強富前年大兵到日該夷曾差人
遞馬請安臣等再三籌畫如果能收服該部落亦
可鈐制浩罕因密諭伊薩克辦理茲於道光九年
正月初五日據烏帕拉特卡倫弁兵稟報有達爾
瓦斯伯克沙伊布拉依木差額爾沁沙阿布都拉
布魯特比薩底克帶跟役二十一名騎馱馬四十

匹聲稱該伯克差來請安馬四匹腰刀四把呈遞
欽差大人並稟帖一件遞叅贊大人馬一匹腰刀一把
給伊薩克信一封等語當卽派委遊擊王一鳳帶
同伯克邁瑪特等前往查驗人馬馱包數目與卡
倫弁兵稟報相符當卽押至大城派令伊薩克妥
爲照料仍照現辦章程館伴押帶該額爾沁沙阿
布都拉先行呈遞帕爾西字稟帖一件當令毛洛
札拉里頂阿布都魯松詳細譯出臣等公同披閱
該伯克沙伊布拉依木所稟情詞恭順並求入在
天朝奴才之內臣等當卽傳見該額爾沁沙阿布都拉

等據稱我們伯克恭順

天朝多年上年張格爾逃出卡外曾到我們部落意欲
借路前赴布噶爾我們伯克未准他過去該逆畏
懼折回後來接奉揚威將軍諭帖令我們擒獻張
格爾業已逃回阿爾前此亦差人請過揚威將軍
的安今聞

欽差大人到來所有布魯特全行歸順我們伯克說
天朝大皇帝寬仁大度所有布魯特俱沾

厚恩我們是蒙古慶吉斯罕的後人想來必收我做奴
才的我情願與

天朝出力求大人施恩代奏並據稱行至阿賴地方浩罕差人在彼攔阻該額爾沁等放鎗將浩罕打散等語^上等當卽諭以你們伯克既知道恭順

天朝就是你們部落的造化情願做

天朝的奴才實在狠是等語所遞刀馬全行收下並回賞元寶綢緞茶葉等物並諭帖一張初九日照例筵宴令原帶之將備伯克等照料出卡除將譯出原稟及原稟一件並諭一件恭呈

御覽外查達爾瓦斯部落人民強富向爲浩罕勁敵並探聞浩罕之西烏爾特派部落其西北之哈薩克

因

天朝不理浩罕羣起攻劫所以該夷前此所差之人極其恭順今達爾瓦斯又復傾心歸順是其西南又添一讐敵該夷更不敢輕離巢穴實皆仰仗

聖主天威邊圉更可久安並據該額爾沁私向伊薩克云

天朝如果動兵浩罕斷不能支我僑臣克情願帶領全部人馬出力臣等以該外夷交相攜貳未始非中國之利該夷不過希冀中國勦滅浩罕坐收其地而在我縱使蕩平浩罕給予達爾瓦斯日久亦難

保其不恃強放肆且浩罕伯克貪虐管事之人頑劣任性斷不能振作儻易一有能爲之人撫綏得法於我邊防大有關係臣等固未便識破論以你可靜聽浩罕與別部落讐殺儻敢輕離巢穴你們正可乘機深入

天朝必不輕饒浩罕果有用你們之時再差人去告知仍好爲撫慰聽其自相疑忌至達爾瓦斯伯克沙伊布拉依木無論其是何居心旣懇求內附總須待以至誠擬照現議酌賞布魯特歲俸章程一體辦理應請每年酌賞元寶四錠大緞四疋仍無庸

動用正項卽在官舖餘息項下動撥每年終令其
差人前來支領以示羈縻在該夷有所繫念而浩
罕傍有勁敵自不敢輕易蠢動從此邊圉益固洵
足仰慰

聖懷謹

奏

道光九年二月十四日軍機大臣字寄奉

上諭那彥成等奏達爾瓦斯部落遣使遞馬懇求內附
酌加賞賜一摺前據那彥成等奏卡外各布魯特愛
曼全行歸順聲明酌賞俸銀緞布朕卽以其事涉膏

味降旨令那彥成札隆阿設法停止茲復據奏達爾
瓦斯伯克差額爾沁沙阿布都拉等帶同跟役前來
請安遞馬並呈遞稟帖情詞恭順擬照現議酌賞布
魯特歲俸章程一體辦理等語邊疆重務全在鎮靜
撫綏卽布魯特果有誠心歸附者亦祇當就地羈縻
從無酌給歲俸之事達爾瓦斯遠在浩罕西南若以
其向與浩罕爲讐人民亦屬強富遂欲將該部落招
致收服以爲鈴制浩罕之計實屬不成政體且外夷
部落如果蠻觸相爭天朝從不過問那彥成等所稱
該夷希翼中國軻滅浩罕坐收其地論以靜聽浩罕

輕離巢穴乘機深入俟有用汝等之時再差人告知
一節殊不成話此等外夷貪黷性成豈肯真心樂爲
我用正當開誠布公使知安分守已何得以此言向
其傳說致該夷妄生冀幸朕命那彥成辦理善後事
宜原不應妄圖卡外之事乃於此處費心饒舌甚可
不必所有諭帖內酌賞達爾瓦斯銀緞給與劄付之
處斷不可行著仍遵前旨該法停止至另片奏達爾
瓦斯伯克懇求瞻觀諭令靜候諭旨再定行止所見
尙屬得體著那彥成等傳諭該伯克差來之額爾沁
等以爾伯克情願遣人進貢具見惇誠深堪嘉獎但

爾部落距京寫遠現已奏明大皇帝不忍爾等跋涉
無庸進京如此剴切宣諭該夷等必當感激恩施那
彥成接奉此旨仍著迅速起程限於六月內到京將
此由五百里諭令知之

道光九年二月二十日會同喀什噶爾叅贊大臣
武公隆阿

奏爲撫馭投誠卡外各布魯特嚴防浩罕影射通商
遵

旨酌議章程事竊臣等前奏額提格訥舊布魯特苦於
浩罕需索悉數投誠一摺仰蒙

聖明指示當將感悚下忱繕摺覆奏並聲明撫馭之方及通商等事容_臣等悉心擬議章程另行具

奏在案伏查卡外各愛曼布魯特向爲邊境藩籬急宜撫綏以資聯絡_臣等深以外夷心性無常此時衆心歸向固是極好機會若不示以羈縻撫綏之法尙未能固結其心因思外夷所最重者

天朝餽頂而尤愛財帛是以酌定餽頂等差並優予歲俸緞布以示

特恩前經詳細開單奏

聞惟_臣等才識短淺未能慮及久遠設或該部落有構

怨興兵之事告急求援誠如

聖訓不應則失信外夷應之則無此政體卽此時禁絕
浩罕貿易而卡外各部落及布魯特愛曼豈能皆
知大體未必不爲安集延代銷貨物希圖漁利影
射冒混事有必至一經隨其術中是徒有嚴禁浩
罕通商之名仍不能絕其生計轉爲該夷竊笑臣
等每於夷商入卡貿易之時派委員弁伯克寶心
查察嚴諭各外夷如敢夾帶浩罕貨物冒混將本
人治罪以後不准入卡通商並檄飭各愛曼布魯
特如有浩罕夷人販貨赴各愛曼囑託代銷卽將

貨物賞給首告之布魯特庶多方防範不致爲其所愚至各布魯特各不相屬於威卽畏見利卽趨天朝威德尙極震懾非如巴彥巴圖之妄殺無辜亦斷不至生事今自張逆授首以後正當厚恩以結其衆嚴法以畏其心不可少示遷就亦不可別增苛求而臣等正在熟思籌議間迺蒙

廟謨指授洞燭萬里之外市僧夷情臣等曷勝欽感悅服謹遵

旨會同擬議章程恭呈

御覽

一布魯特互相爭奪告稟求援向不過問應欽遵諭旨先行曉諭也查近卡各布魯特臣服

天朝歷年已久該部落劫掠搶奪事所常有從無稟告此時遠近各布魯特紛紛歸順均係出自誠心並非勉強卽向爲浩罕所脅部落畏累徙居仍在卡外地面縱有讐殺之事亦與內地毫無干涉浩罕縱有詭譎伎倆力不能興兵遠出然不明示以

天朝體制恐無知之布魯特心存內附自筆環端且各愛曼搶擄爲生交相殘賊亦所不免應將現在

欽奉

諭旨爾等當自安生計永作藩籬惟與外夷有構怨與
兵之事天朝體制從不過問不但爾部落一處爲然
並非稍有歧視欽此欽遵宣諭不特該外夷彼此構
怨無庸過問卽遇有搶擄劫掠等事亦不准入
卡稟告惟當預先曉諭使知

大皇帝綬撫夷服一視同仁政體所關不能爲該外夷
分爭辨訟庶有事不致稍生觖望方足以杜生
事而弭邊釁

一布魯特全行歸順足資卡外藩籬應熟籌撫馭

之方以期經久無弊也查布魯特本係犬羊之性專以劫掠爲生既無恒產焉有恒心張逆滋事之時從逆者半游移兩可者亦半嗣於去年秋間陸續謁見近卡各愛曼宣示

恩意示以寬大有罪而能悔過來投者概予免究是以由近及遠齊心向化察其情詞實無一人虛假現又奏請

賞給翎頂並優予歲俸緞布等物該布魯特希榮懷惠自無二心惟向爲浩罕所脅之額提格訥此次歸命投誠仍隨時體察既不可稍存疑慮致失

其心亦不可輕信妄言致墮其術但示以大方
結以恩信使之自安生計該布魯特自以歸順
天朝爲樂人心愈臻固結經久可期無弊

一外夷交相搆貳相機控制應慎終於始以免後
顧之虞也查布魯特賦性貪鄙同類不和不特
鄰部落互相劫奪卽父子兄弟亦搶竊成風絕
無恩誼之親各愛曼強弱不同並無統率故其
勢分而斷不能合向所稱歸附浩罕者因布魯
特不務耕種所需糧食非仰給於卡內卽取資
於浩罕此外別無產糧之區如在浩罕交易年

久卽爲該夷所脅任意需索牛羊馬匹一旦有事驅使惟命是聽本非浩罕所屬之人豈能堪其擾累今各愛曼順者來歸其餘亦各走散准照舊制販羊犬卡易換糧布

天朝無所徵求孰不視爲樂土此事理之所可信歸斯受之原無足重未可因其棄浩罕而來歸特加優待亦不可釋之而去轉與浩罕相結惟當持平撫馭一視同仁使各愛曼旣無觖望在浩罕增一讐敵卡外卽多一藩籬於疆圉方爲有裨一外夷入卡貿易恐有浩罕夷人影射冒混應嚴

密稽查也查外夷恭順各部落有需內地茶黃貨物勢難長久閉關現已奏准通商惟浩罕必當嚴行禁絕方可制其生計第浩罕之安集延專以貿易爲生舍此別無恒業難保其不依附外夷名下販貨漁利若爲其朦混誠如

聖諭不特查禁有名無實且爲該夷所竊笑喀什噶爾自上年弛禁以來只有布噶爾來卡貿易一次經_臣等將盤詰情形據實具奏葉爾羌有巴達克山克什米爾推依博特等處夷人來卡貿易亦經札隆阿詳細根查並無安集延滬迹其中

亦無浩罕素所與販貨物事屬可信惟日久弊
生不可不預爲防範嗣後各外夷入卡貿易必
先辨其來人之誠僞究其貨物出產之區責令
各城阿奇木細心密訪如查有安集延私貨卽
行入官究出販貨之安集延從嚴懲辦其誘帶
安集延貨物之夷人照例治罪永不准入卡貿
易庶各外夷咸知畏懼不致爲浩罕影射冒混
一布魯特販貨入卡恐爲安集延包攬代銷應永
遠查禁也查布魯特愛曼向來入卡易換糧布
惟牛羊馬匹三項別無希罕物件進卡現在嚴

禁浩罕通商該夷人生計缺乏而布魯特惟利是圖難保無販買安集延貨物入卡轉賣漁利情節是浩罕貿易禁而未禁不可不防其漸嗣後卡外各布魯特入卡只准販賣羊馬易換糧布如有別項貨物卽係安集延私貨查明確係轉賣代銷概行入官將該布魯特治罪永遠不准入卡通商

一外夷入卡貿易進出人數及稽查彈壓應照奏定章程實力奉行也查原奏貿易章程夷商入卡貿易令在卡外先將人數貨物馱馬報明

卡倫官兵伯克駐劄大臣派委官員伯克出卡
點清人馬駝包與原報相符官兵押帶進卡安
置夷館專派官兵朝夕稽查不惟卡內回子私
自交接貿易事畢原派官兵點清人馬駝包押
送出卡不惟逗遛一人原爲禁絕外夷不惟勾
結內地回子起見第恐日久懈弛有名無實在
其逗遛一人滋蔓難圖又蹈安集延盤踞各城
故轍歛錢供給和卓後裔內外勾串無所不至
嗣後無論貿易各外夷及布魯特販羊入卡總
由坐卡員弁稟報分別派官派兵點明人數進

卡事畢押送出卡如有疎漏查出將原派官兵
科以軍律逗遛卡內之夷人押逐出卡其寄居
十年以外未經驅逐之安集延奏明只在種地
不准貿易應責令稍達噶爾回子及管帶商回
赴貿易亭之伯克從重究處該安集延立即押
逐出卡

一浩罕貨物影射冒混業已防範周密內地茶葉
恐有私販接濟浩罕應嚴行查禁也查浩罕當
張逆入卡之時擄掠卡內財物馱載而歸茶葉
尤多足敷二三年食用現應將次罄盡日後不

能不設法購求外夷如布噶爾販貨入卡易茶
歸去僅敷本部落之用且與浩罕不和斷不分
給惟布魯特爲浩罕所誘貪利無知不免以羊
易茶希圖賣與浩罕得獲重利不可不防但布
魯特向來入卡貿易需茶不多所用亦止附茶
惟浩罕需用祿茶嗣後布魯特易換糧布出卡
需用食茶官兵帶赴官舖購買每人不得過一
觔祿茶卽不許賣給回子等不准私賣守卡營
員查驗放出卡倫如敢夾帶私茶卽行入官犯
法之布魯特治罪仍通咨臨卡各城凡遇布魯

特入卡貿易均不准逾額易茶出卡亦不准夾帶襍茶以杜接濟浩罕之弊

一禁絕浩罕貿易係一時控制之法俟該夷恭順聽命仍當加惠通商也查浩罕從前撫養張逆煽惑漁利此次暗中助逆坐收財物現又收留布素魯克以爲異日歛錢之計其情可惡是以屢奉

諭旨禁絕該夷入卡通商制其生計數年之間立就窮蹙該夷一經猛省必先縛獻逆屬叩關納款

天朝寬大之恩不爲已甚惟時自當奏懇

聖恩網開一面但該夷從前遣人呈遞表文該伯克名字用泥金書寫謬妄狂悖叅贊大臣代爲易換呈進以致該伯克妄自尊大來使謁見叅贊傲不爲禮且包攬別部落貨物概求免稅種種惡習不可悉數惟當嚴定章程務令該伯克照屬國稱謂恭順

大皇帝不惟金書該伯克名字來使謁見叅贊大臣與卡內伯克見叅贊禮同所帶貨物照舊制一律抽稅絲毫不能減免不惟該夷派胡達依答在卡內經理貿易諸大端剴切宣示如能逐一遵

照再行據實奏明請

旨定奪不可任其含糊答應卽行通市以致該夷復萌
故智

以上各條臣等悉心籌計深知撫馭之難掉以輕
心恐萌後患卽通商一事防範稍疎於控制之法
亦復有名無實必當慎而又慎茲就現在情形預
防流弊擬議陳奏至浩罕不與通商亦不遽與之
決絕俾其望

恩幸澤時存希冀而又無利可牟坐致窮蹙剪除羽翼
不敢鴟張該夷近來情形較之上年五月間遣人

前來實已逐漸籌服不敢大言不慚然臣等斷不肯因其意欲修好卽信以爲實以致墮其術中惟有堅持定見靜待事機以期仰副

聖主諄諄訓飭之至意謹

奏

容安謹案此奏因先公起程回京未奉

批回有

旨交叅贊札公隆阿核議

道光九年三月初五日

奏爲遵

旨明白復奏瀝陳感悚下忱事竊臣承准軍機大臣字

寄奉

上諭那彥成等奏布魯特全部效順酌定歲俸以示羈縻一摺所奏甚屬冒昧從前乾隆年間平定回疆卡外各布魯特愛曼甚多並無賞給歲俸之事彼時愛曼中之出力者並非無人如必須給予歲俸各該辦事大臣早應籌議及此當年從無一人議及可見此事斷不可行何以那彥成等此次辦理善後因各愛曼陸續來城請安遞馬極爲恭順援引乾隆年間奇里克冲巴噶什希皮察克等愛曼曾有世襲歲俸輒

行分別等差給予翎頂銀兩緞布發給劄付令其按
年分季持照領賞並令烏什照依辦理卡外各布魯
特部落如果有奮勉出力之處朕原不靳帑藏量加
恩賞現在該夷等雖相率來歸並無勞績不過請安
遞馬那彥成等遠欲酌給歲俸以爲收服羈縻之計
國家無此政體且此時並非迫不及待那彥成等卽
有此籌議自當先行入奏具摺請旨遵行乃並未奏
明率行發給劄付那彥成武隆阿俱著傳旨嚴行申
飭此時業經發給劄付殊不成事必當設法停止著
那彥成札隆阿體察情形妥爲籌辦據實具奏那彥

成著仍遵前旨迅速起程於六月內到京將此由五
百里諭令知之欽此臣跪讀之下不勝凜懼伏思臣

奉

命辦理回疆善後事宜疊蒙

聖恩優渥資予駢蕃臣受

寵若驚感

恩思奮時時以弗克報稱爲慮適當卡內事宜辦竣卡
外各愛曼布魯特後先歸命臣下愚之見竊以布
魯特向爲卡外藩籬今旣全部來歸實皆仰仗

皇上洪福事機順利因擬固益求固安益求安若再加

之恩惠益可結其歸命之忱不致再爲浩罕所使
妄擬酌給歲俸以示羈縻茲蒙

聖謨指示

誥誠嚴明臣如夢方覺深知識淺糊塗未諳政體至擬
賞之布魯特四十三人內除乾隆年間賞有翎頂
其子孫世襲者十七人外此次軍營出力經各大
員獎賞翎頂者十六人其餘如額提格訥之阿里
瑪等五名蘇蘭奇之族人拜莫拉特等二名又辦
理善後出力之托依邁特等三名共十人均係
臣節次奏奉

諭旨賞還翎頂及量功

加賞有案惟

臣

原奏未及分晰奏明種種錯謬均係

臣

未能熟思審處罪無可追今奉

恩旨止於傳旨申飭益令

臣

感激愧悚無地自容至各

愛曼劄付原擬奉到

批迴之後再行查銷至

臣

辦理不善咎實難辭撫躬自

省實因才識庸愚拘於淺見不能仰承

聖意轉勞

宵旰憂勤

臣

辜負

深恩夢寐難安無以自解惟有仰懇

聖恩將

臣

仍交部議處除武隆阿自行奏請議處外謹

繕摺明白復奏謹

奏

道光九年四月初七日軍機大臣字寄奉

上諭那彥成覆奏擬給恭順布魯特歲俸劄付並未發給現點交札隆阿暫存一摺前因那彥成請給布魯特等歲俸並未奏明請旨率行發給劄付降旨令與札隆阿體察情形設法停止茲據奏稱擬賞之布魯特四十三人內除乾隆年間曾賞有劄頂者十七人外此次軍營出力獎賞劄頂者十六人其餘如額提

格訥之阿里瑪等五名蘇蘭奇族人拜莫拉特等二
名善後出力之托依邁特等三名均係節次奏明賞
給前摺未經分晰奏陳其歲俸割付亦尙未發給所
有那彥成自請交部議處之處著加恩寬免其歲俸
割付著札隆阿詳細點明卽行銷燬毋得存留

敘績保薦

附恭謝

天恩

道光八年十一月初三日會同喀什噶爾叅贊大臣武公隆阿

奏爲查明各城辦工出力人員確核彙奏事竊查喀什噶爾英吉沙爾葉爾羌和闐阿克蘇烏什六城修建城垣衙署軍臺卡堡兵房築壩等工經管錢糧採辦物料督雇工匠在在需員任使自上年秋間及本年春夏先後開工至九月以前普律辦理完竣准各城大臣將在事出力文武員弁書吏伯克等開單咨請代奏前來臣等查此次各城修建

一切工程均係動撥叛產項下節省辦理工程尙屬堅實蔽事亦速該員等不辭勞瘁始終其事洵爲出力自應分別鼓勵以獎勤勞第各城原保人員恐有冒濫當卽咨令核實刪減切勿稍徇情面俾

懋賞悉歸允當茲准葉爾羌辦事大臣札隆阿幫辦大臣札克桑阿和闐領隊大臣多隆武阿克蘇辦事大臣長清各將原保人員分別核減擇其尤爲出力者開單咨請核奏臣武隆阿亦查明咨付臣英吉沙爾二城辦理城垣等工勞績最著各員開

單送到相應據實彙奏籲懇

皇上天恩俯准分別

恩施以示鼓勵其武職千把以下伯克六品以下應陞

應補及小回子應給金頂以獎微勞之處容

臣等

核實分咨兵部理藩院查核辦理烏什保送各員

現經咨減俟覆到另行核奏至

臣

那彥成隨帶直

隸陝甘兩省文武各委員及候選各員奔馳萬里

辦理一切善後事件或差委出卡或隨轅辦事均

能認真出力晝夜辛勤俟諸務完竣另行確核具

奏再喀什噶爾阿奇木伯克伊薩克葉爾羌阿奇

木伯克阿布都爾滿捐備麵筋照料城工一切事宜實屬急公奮勉該伯克等已經節次渥荷聖恩應俟善後全行完竣再行奏懇

恩獎謹

奏

謹將喀什噶爾英吉沙爾葉爾羌和闐阿克蘇等城承辦城垣衙署兵房各工在事出力文武人員暨伯克書吏等分別勞績繕具清單恭呈

御覽

計開

喀什噶爾

年滿主事職銜常興上年奏調喀城署理印房章
京辦事認真爲烏魯木齊出色之員總催城垣
衙署工程始終出力請留於陝甘以同知儘先
補用先換頂戴

候選同知陸有恒自上年奏留喀城以來經理一
切事宜悉臻妥善總查工程錢糧料物尤能實
心撙節調度得宜始終出力且兼辦一切文移
奏案晝夜辛勤原有藍翎請

賞換花翎

雲南卽補府經縣丞顧鶴晝夜在工督催工匠最爲出力一切進

呈戰圖小照均係該員恭繪

湖南候補府經歷周堡派赴和闐料理城工事宜
悉臻妥協現留喀城辦理卡堡貿易亭等工並
核辦軍需報銷

以上二員請免補本班留於陝甘以知縣儘
先補用

陝西提標中軍叅將趙勇巴圖魯賴永貴總辦城
工衙署經手錢糧最爲清楚請以副將卽陞先

換頂戴

甘肅南古城營守備尤渤專管工次一切料物實
心撙節不任工匠浮冒甚爲山力請以應陞之
缺儘先陞用先換頂戴

甘肅候補守備朱璉催工出力始終奮勉請

賞換花翎

印房經書張印潭 營書賴萬朝

以上二名登記工次支發錢糧料物簿籍稽
核詳慎請以從九品未入流歸部儘先選用
英吉沙爾

陝西波羅營叅將周悅勝該城工衙署該叅將
一手經理工程堅固費用節省迅速最爲出力
請以副將陞用先換頂戴

候選從九品何天元幫辦工程甚爲得力該員係
烏什書吏請免其扣滿年限以本班歸部卽選
經書李先春登記工次支發錢糧料物簿籍稽核
詳慎請以從九品未入流歸部儘先選用

葉爾羌

候選知縣周彭齡管辦理城工衙署支發錢糧料
物實心撙節甚爲出力請

賞加同知銜俟軍需報銷完竣給咨赴部

直隸卽補府經歷縣丞羅慶元照料一切工程調度得宜始終出力請俟事竣給咨回直以知縣陞用

候選未入流郭運泰管領工匠夫役晝夜在工督催出力請免選本班以府經歷縣丞歸部卽選固原提標前營遊擊候補叅將任貴邦

烏魯木齊提標左營遊擊孫旺

以上二員總催工程出力請

賞加陞銜

烏魯木齊提標庫爾喀喇烏蘇遊擊候補叅將毛

文彩

西寧鎮標前營都司馬天錫

以上二員催工出力請

旨交部議敘

已保未滿吏候選未入流景文明

烏魯木齊噶遜營營書哈積祿

以上二名登記工次支發錢糧料物簿籍稽

核詳慎景文明請免扣年限以本班歸部卽

選哈積祿請以從九品未入流歸部卽選

和闐

主事職銜舒明阿管理支發工程錢糧諸事認真
請

旨交部議敘

委筆帖式伊琳布管理支發工程料物頗能調度
請

賞六品頂戴

卽選從九品馬永春督催城工衙署晝夜辛勤始
終出力請免補本班以府經歷縣丞歸部選
儘先陞用甘肅永昌營都司色楞額督率兵同工

匠監修迅速請

旨交部議敘

阿克蘇

主事職銜忠麟管理支發工程料物諸事認真請

旨交部議敘

原任山西知縣丁垣奉

旨留辦軍務事竣送部引

見監修城工兵房始終出力請開復知縣原官

陝西卽補知縣段志倫督辦工庫出力請

賞加同知銜

甘肅寧夏營都司馬輔相

甘肅候補千總李福

以上二員催工出力請各以應陞之缺儘先
陞用

延綏鎮都司麻續先

安西營都司慶和

以上二員催工出力請

旨交部議敘

未滿吏王瑞麟 張士能

以上二名登記工次支發錢糧料物簿籍稽

核詳愼俟著役五年期滿請作爲九年已滿
吏歸部儘先選用

各城工次購料僱夫出力伯克回子

喀什噶爾

四品頂翎拜城五品伊什罕伯克邁瑪第敏請

賞三品頂戴

本城六品頂翎哈資伯克托胡達

庫車六品頂戴七品莫提色普伯克阿布都哈里

克

阿克蘇六品頂翎回子阿布都惹依木

以上三名請

賞五品頂戴

本城六品頂戴七品明伯克阿布都拉提普請

賞戴藍翎

庫車回子伊布拉克伊木請

賞六品頂戴藍翎

英吉沙爾

二品頂戴花翎寶里木三品阿奇木伯克玉素普
署英吉沙爾阿奇木任內購辦料物僱覓工匠
出力擬將該伯克之子六品頂戴邁瑪特阿布

都拉請

賞換五品頂戴花翎

六品密拉普伯克邁瑪特雅爾請

賞戴藍翎

阿克蘇

本城五品噶襍納齊伯克斯底克請

賞四品頂戴

道光八年十二月初六日奉

上諭那彥成等奏查明各城辦工出力人員請分別獎
勵一摺前因喀什噶爾英吉沙爾葉爾羌和闐阿克

蘇烏什六城修建一切工程自上年秋間及本年春夏先後開工至九月前普律完竣該員等或經管錢糧或督催採辦俱能不辭勞瘁自應量予鼓勵以獎勤勞茲據那彥成等將各城在事出力文武員弁書吏伯克等開單呈覽著照所請所有年滿主事職銜常興准其留於陝甘以同知儘先補用先換頂戴候選同知陸有恒著賞換花翎雲南卽補府經歷縣丞顧鶴湖南候補府經歷周堡俱免補本班留於陝甘以知縣儘先補用陝西提標中軍叅將趙勇巴圖魯賴永貴准以副將卽陞先換頂戴甘肅南古城營守

備尤渤著以應陞之缺儘先陞用先換頂戴甘肅候
補守備朱璉賞換花翎印房經書張印潭營書賴萬
朝著以從九品未入流歸部儘先選用陝西波羅營
叅將周悅勝准以副將陞用先換頂戴候選從九品
何天元著免其扣滿年限以本班歸部卽選經書李
先春以從九品未入流歸部儘先選用候選知縣周
彭齡賞加同知銜直隸卽補府經歷縣丞羅慶元以
知縣陞用候選未入流郭永泰以府經歷縣丞歸部
卽選固原提標前營遊擊候補叅將任貴邦烏魯木
齊提標左營遊擊孫旺俱著賞加陞銜烏魯木齊提

標庫爾喀喇烏蘇遊擊候補叅將毛文彩西寧鎮標
前營都司馬天錫俱著交部議敘候選未入流景文
明免其扣滿年限以本班歸部卽選營書哈積祿以
從九品未入流歸部卽選主事職銜舒明阿交部議
敘委筆帖式伊琳布賞給六品頂戴卽選從九品馬
永春免補本班以府經歷縣丞歸部卽選甘肅永昌
營都司色楞額主事職銜忠麟俱交部議敘陝西卽
補知縣段志全賞加同知銜甘肅寧夏營都司馬輔
相候補千總李福著各以應陞之缺儘先陞用延綏
鎮都司麻續先安西營都司慶和俱交部議敘未滿

吏王瑞麟張士能俟著役五年期滿作爲九年已滿
吏歸部儘先選用其出力伯克同子所有四品頂翎
拜城五品伊什罕伯克邁瑪第敏賞加三品頂戴六
品頂翎哈資伯克托胡達六品頂戴七品莫提色普
伯克阿布都哈里克六品頂翎同子阿布都熱依木
俱賞給五品頂戴六品頂戴七品明伯克阿布都拉
提普賞戴藍翎同子依布拉伊木賞給六品頂戴藍
翎六品密拉普伯克邁瑪特雅爾賞戴藍翎五品噶
襍納齊伯克斯底克賞給四品頂戴至原任山西知
縣丁垣仍遵前旨事竣送部引見該部知道

道光八年十二月二十八日會同喀什噶爾叅贊

大臣武公隆阿

奏爲籌辦回疆八城善後事宜完竣將在事尤爲出力之文武官員兵丁及回子伯克等分別勞績懇恩鼓勵事竊臣邠彥成奉

命籌辦回疆善後自出關以後卽將應辦一切事宜咨行各城隨查隨辦並沿途密派文武訪查利弊迨抵喀城將裁革陋規稽核私墾地畝增糧存辦西四城伯克回子卹典驅逐安集延議抽茶稅建設貿易亭官舖以及審訊辦理案件並委赴各城幫

查幫辦派令隨帶各文員分司其事各有專責其收復布魯特建設卡倫兵堡籌議操兵章程並現在喀葉二城外夷貿易接踵而至一切稽查彈壓立法創始派令將備弁兵分投照辦而武職員弁持諭赴卡外各布魯特愛曼均能明白曉諭招攜歸順出卡四五站至十餘站路程並因密訪卡外情形周歷一兩月之久地屬外夷備經險阻盛暑嚴寒其勞倍於別項差使至臣武隆阿衙門於上年奏設善後局派委各員弁清查叛產及私逃地畝並總辦局內一切文案各該員不辭勞瘁夜

辛勤咨行到臣那彥成核減歸實其各城阿奇木
及喀什噶爾大小伯克亦多著有勞績之人茲已
辦理善後全完該官吏兵回等在事年餘實心實
力始終勤奮臣等不敢壅於上

聞惟人數過多不能不比較勞績確實刪減期無冒濫
茲減而又減擇其尤爲出力者核實分繕清單恭
呈

御覽合無仰懇

皇上逾格天恩俯准分別

恩施以示鼓勵其武職千把以下伯克六品以下循例

應陞應補者咨明兵部理藩院查核辦理微末弁兵分別酌賞軍功頂帶以昭公允謹

奏

道光八年十二月二十八日會同喀什噶爾叅贊大臣武公隆阿

奏查此次辦理善後事各城辦事領隊大臣均能遇事實心妥速經理自應仰懇

聖恩量加獎勵茲查阿克蘇辦事大臣長清前因軍務出力已蒙

賞給世職烏什辦事大臣布彥泰山伊犁領隊大臣調

補今職已蒙

賞給副都統職銜該大臣等各任事務措置周到潔已辦公盡洗從前陋習惟均已受

恩深重不敢再邀

曠典請

旨交部從優議敘以獎勤勞葉爾羌辦事大臣札隆阿自五月到任至今辦理工程及善後一切事宜皆係該大臣一手經理官聲甚好和闐正辦領隊大臣德惠先在烏什幫同布彥泰整頓策畫深爲得力旋蒙

簡調和闕到任以來頗能撫綏同衆查該大臣等均係頭等侍衛外夷觀瞻所係請

賞加副都統職銜以昭懋賞又准烏魯木齊都統英惠函開吐魯番領隊大臣賡音岱上年同陝西臬司方載豫辦理托克遜糧臺於哈密解到車輛並不妥爲點收欽奉

諭旨拔去花翎革職留任以示懲儆欽遵在案該領隊自獲咎以來深知愧悔遇事黽勉今年護解首逆張格爾過境及照料各起凱撤官兵入關均能妥速經理尙無貽悞等語查同案獲咎之方載豫已

經奉

旨賞還原品翎頂事同一律廢音岱可否仰懇

皇上天恩俯准

賞還花翎之處出自

逾格鴻慈

謹將隨同

臣

那彥成辦理善後事宜尤爲出力之

文員開列事實清單

計開

直隸大名府知府壁昌總理文移案件稽查茶稅

事務頗資其斟酌之力請

賞換花翎

直隸河間府同知濮城總辦文案條分目晰沉密

精細請

賞戴花翎

知府銜廣西平樂府同知王簡隨營出力已歷三

載經臣那彥成奏請留辦善後籌議大局並專

辦官舖貿易章程勤奮老成始終其事請留

於陝甘以知府遇缺卽補

候補同知通判哈密印房主事圖勒炳阿總辦清

字文案並專司各布魯特事宜詳慎周密請免

扣主事俸仍歸陝甘遇有同知缺出不論繁簡
卽補

候選布政司經歷楊超任於軍興時管解軍餉曾
著勞績現在派辦各城回子卹典詳盡無遺請
免選本班以知州不論雙單月歸部卽選

陝西遇缺卽補府經歷縣丞萬宗洛訪查各城陋
規核算增糧地畝辦理文案認真出力請免補
本班歸部以知縣不論雙單月遇缺卽選

候選教諭陸獻幫辦一切善後案件籌議章程奮
勉妥協請免選本班以知縣不論雙單月歸部

卽選

卽選府經歷縣丞沈祥煦派赴各城查辦伯克回
子卹典查收各城工程盡心詳慎請於得缺後
以知縣儘先陞用

卽選府經歷縣丞龍鑲查辦各城盤踞安集延及
各城燕齊回子等事認真經理請於得缺後以
知縣儘先陞用

捐陞縣丞伊犁巡檢亢家駿委赴各城幫查一切
事宜悉臻妥速請免選本班仍以原省知縣儘
先補用

捐陞縣丞甘肅環縣典史朱沛蒼辦理文稿熟悉
例案請免選本班歸部以知縣儘先選用

候選府經歷武履中查訪各城利弊實屬盡心請
免選本班以知縣儘先選用

卽選府經歷陳錫疇派赴阿克蘇幫查私墾地畝
出力請以本班儘先選用

雙月選用從九品王兆麟派赴葉爾羌幫查私墾
地畝出力請以本班不論雙單月卽選

直隸總督衙門經書儘先選用從九品錢成

候選從九品張鳳元 候選未入流陳烜

以上三員繕寫一切奏咨文卷稽核冊檔均能不辭勞瘁始終出力錢成請免選本班以府經歷縣丞不論雙單月遇缺卽選張鳳元陳烜請各以本班不論雙單月遇缺卽選

召募書吏顧垣 鄧鈞

以上二名清釐一切文案甚爲得力請歸部以從九品未入流不論雙單月卽選

營書甘肅督標後營書識劉承恩 涼州鎮標中

營書識和中育 靖遠營書識楊國琳

以上三名繕寫稿案晝夜辛勤請以從九品

歸部選用

謹將隨同

臣

武隆阿辦理善後經手錢糧事竣撤

局擬保文員開列事實清單

計開

候選同知張循徵奏明留辦善後局務派赴葉爾

羌喀喇沙爾等城查辦增糧一切事件均臻妥

善請留於陝甘以同知不論繁簡遇缺卽補

浙江卽補知縣周玉福承辦文案晝夜勤勞請

賞加同知銜

七品職銜原任知州銜浙江歸安縣知縣馬伯樂

總辦印房等處漢文事件始終奮勉出力請開復原官歸部選用

卽選府經歷縣丞賴福邦承辦稿案稽查冊檔甚屬出力請免選本班以知縣儘先選用

年滿筆帖式額外驍騎校元德查辦英吉沙爾叛產辦理清漢文案均能實心妥協請以應陞之守禦所千總遇缺卽補先換頂戴

卽選從九品未入流趙秉信查辦喀什噶爾叛產奮勉出力請免選本班以府經歷縣丞不論雙單月歸部卽選

召募經書郭陞稽查案卷繕寫文稿不辭勞瘁請
以從九品未入流歸部選用

謹將隨同臣那彥成辦理善後事宜及差赴卡外
尤爲出力之將備弁兵五品以上開列事實清單
計開

甘肅平羅營叅將金和委查回莊認真肅清彈壓
各夷貿易並赴葉爾羌幫辦貿易章程均能詳
慎經理請

賞加副將銜

陝西延綏鎮中營游擊張作功周歷各城卡倫議

設兵堡酌定巡防會哨章程悉臻周密遇事勇往請以叅將卽用

直隸督標左營花翎都司郝永泰

直隸馬蘭鎮黃花山守備劉正

以上二員派赴卡外安置額提格調全部布魯特游牧地面不辭勞瘁郝永泰請以遊擊儘先陞用先換頂戴劉正請

賞戴花翎

甘肅肅州鎮中營花翎守備張耀德屢次派赴布魯特各部落熟悉情形請以都司儘先陞用先

換頂戴

陝西提標蘆塘營五品花翎千總王貴請

賞加守備銜

甘肅督標前營藍翎千總牟得魁

肅州鎮標左營藍翎千總王貴

以上二員請

賞換五品頂戴花翎

直隸督標後營千總劉元慶

直隸正定鎮標右營千總安萬邦

直隸督標中營千總史存忠

甘肅西寧鎮標前營千總李國秀

甘肅平羅營千總王玉汝

以上五員請各歸原省以守備儘先陞用先
換頂戴

陝西五品花翎卽補千總龍澤厚請免補本班以
守備儘先陞用

烏魯木齊濟木薩營五品花翎千總賈文秀請以
守備儘先陞用

伊犁索倫馬甲蒙克伯

伊犁錫伯馬甲富琳布 額清阿

以上三名請歸原營以驍騎校補用

西安滿營委驍騎校富通阿

直隸涿州千總陳兆綸

直隸督標署保定營把總李天鳳

直隸督標後營把總陶煜文 張桂林 閻德成

直隸提標三屯營把總馬玉鳳

直隸督標右營經制外委田喜 吳璋

直隸督標後營經制外委張殿元

直隸督標左營經制外委毛鳳岐

直隸督標左營額外委郝永勝

直隸督標後營額外外委陳兆麟

直隸督標保定營額外外委黨霖

甘肅督標中營經制外委楊正魁

甘肅督標左營經制外委楊坤

甘肅涼州鎮標中營經制外委夏元賡

甘肅甘州提標右營經制外委馬維

甘肅河州鎮標舊洮營額外外委陳延魁

甘肅涼州鎮標三眼井額外外委顏大成

甘肅西寧鎮屬甘都塘額外外委馬環

甘肅督標前營武舉竇林

西安滿營前鋒德斌

伊犁索倫馬甲依策阿 三音札布

伊犁錫伯馬甲蘇札布 依勒爾圖 沙金泰

直隸督標左營馬兵李士珍 劉鳳 楊得功

蘇魁

直隸督標前營馬兵劉萬邦 吳臻 馬正

直隸督標後營馬兵李治平

直隸保定營馬兵姚芝林 崔玉樹

甘肅督標中營馬兵羅魁 楊自玉

甘肅督標中營目兵李一清 劉鶴年

甘肅督標右營馬兵高魁 王建功

甘肅督標左營目兵馬殿祿

甘肅涼州鎮標馬兵馬珍 沈占雄

甘肅河州鎮標馬兵黃傑

甘肅安西協馬兵鄭子林

以上弁兵四十九名請

賞戴藍翎

謹將隨同 臣武隆阿辦理善後事竣撤局擬保武

職開列事實清單

計開

留防甘肅鎮夷營遊擊王一鳳帶人查守善後錢糧并經理官舖茶貨廉慎妥善請以叅將卽陞留防甘肅洮岷協營都司程謙查辦逆犯家屬並無遺漏請以遊擊儘先陞用先換頂戴

留防甘肅玉泉營守備王金棟

留防甘州提標左營守備常殿勲

以上二員清查私墾地畝甚爲出力請以都司儘先陞用先換頂戴

留防陝西西固營千總朱成貴請以守備儘先陞用

留防甘肅督標中營千總陶福請以守備陞用
留防甘肅卽補守備嘉峪關藍翎千總李繼善
留防甘肅卽補守備莊浪營藍翎千總汪吉受
以上二員請

賞換花翎

陝西馬營監經制外委效紀伯

甘肅督標前營目兵鐵秉忠

以上二名請

賞戴藍翎

謹將酌保辦理善後尤爲出力之伯克回子並卡

外布魯特比彙繕清單

計開

和闐阿奇木二等台吉伊斯瑪依爾請

賞頭等台吉

葉爾羌阿奇木阿布都爾滿之子二等侍衛阿滿

愛孜斯請

賞頭等侍衛

喀什噶爾四品伊什罕伯克托胡達呢禰爾請

賞三品頂戴

喀什噶爾六品頂翎同子阿比皮 呢斯卜色

蘇布爾格請

賞五品頂翎

喀什噶爾五品海子伯克邁瑪哈斯木請

賞戴花翎

沙雅爾六品海子伯克阿哈伯克請

賞五品頂翎

葉爾羌五品伯克阿布都開列木

六品伯克愛孜斯

以上二員請

賞戴藍翎

奇里克愛曼三品頂翎布魯特比托依邁特請

賞二品頂戴

冲巴噶什愛曼五品頂翎布魯特比托胡達伯克

請

賞四品頂戴

巴錫奇斯愛曼六品頂翎布魯特比達爾瓦什請

賞五品頂翎

道光九年二月初一日奉

上諭那彥成等奏籌辦回疆八城善後事宜完竣請將
在事尤爲出力文武官員兵丁及回子伯克等分別

鼓勵一摺那彥成自上年出關以後將應辦一切事宜咨行各城並派委文武各員逐條查辦悉臻妥協武隆阿於上年奏設善後局派令各員弁分司其事均能不辭勞瘁其各城阿奇木及喀什噶爾大小伯克亦多著有勞績茲已辦理善後全完經該督等擇其尤爲出力者覈實分別開單奏請鼓勵自應量予恩施阿克蘇辦事大臣長清前經賞給世職烏什辦事大臣布彥泰前經賞給副都統銜均著加恩交部從優議敘葉爾羌辦事大臣札隆阿昨已降旨賞給副都統銜署理喀什噶爾叅贊大臣和闐正辦領隊

大臣德惠著賞加副都統銜吐魯番領隊大臣賡音岱前因辦理托克遜糧臺獲咎拔去花翎革職留任著加恩賞還花翎其辦理善後尤爲出力之文員直隸大名府知府璧昌昨已賞給頭等侍衛署理葉爾羌辦事大臣該員例有翎枝著實賞花翎河間府同知濮城著賞戴花翎知府銜廣西平樂府同知王簡著留於陝甘以知府遇缺卽補候補同知通判哈密印房主事圖勒炳阿著免扣主事俸仍歸陝甘遇有同知缺出不論繁簡卽補候選布政司經歷楊超任著免選本班以知州不論雙單月歸部卽選陝西遇

缺卽補府經歷縣丞萬宗洛著免補本班歸部以知
縣不論雙單月遇缺卽選候選教諭陸獻著免選本
班以知縣不論雙單月歸部卽選卽選府經歷縣丞
沈祥煦龍鑲均著於得缺後以知縣儘先陞用捐陞
縣丞伊犂巡檢亢家駿著免選本班仍回原省以知
縣儘先補用捐陞縣丞甘肅環縣典史朱沛蒼著免
選本班歸部以知縣儘先選用候選府經歷武曷中
著免選本班以知縣儘先選用卽選府經歷陳錫嘯
著以本班儘先選用雙月選用從九品王兆麟著以
本班不論雙單月卽選直隸總督衙門經書儘先選

用從九品錢成著免選本班以府經歷縣丞不論雙
單月遇缺卽選候選從九品張鳳元候選未入流陳
烜均著各以本班不論雙單月遇缺卽選召募書吏
顧垣鄧鈞均著歸部以從九品未入流不論雙單月
卽選營書甘肅督標後營書識劉承恩涼州鎮標中
營書識和中育靖遠營書識楊國琳均著以從九品
歸部選用其辦理善後及差赴卡外尤爲出力之將
備弁兵等甘肅平羅營叅將金和著賞加副將銜陝
西延綏鎮中營遊擊張作功著以叅將卽用直隸督
標左營花翎都司郝永泰著以遊擊儘先陞用先換

頂戴馬蘭鎮黃花山守備劉正著賞戴花翎甘肅肅
州鎮中營花翎守備張耀德著以都司儘先陞用先
換頂戴陝西提標蘆塘營五品花翎千總王貴著賞
加守備銜甘肅督標前營藍翎千總牟得魁肅州鎮
標左營藍翎千總王貴均著賞換五品頂戴花翎直
隸督標後營千總劉元慶正定鎮標右營千總安萬
邦甘肅督標中營千總史存忠西寧鎮標前營千總
李國秀平羅營千總王玉汝均著各歸原省以守備
儘先陞用先換頂戴陝西五品花翎卽補千總龍澤
厚著免補本班以守備儘先陞用烏魯木齊濟木薩

營五品花翎千總賈文秀著以守備儘先陞用伊犁
索倫馬甲蒙克伯錫伯馬甲富琳布額清阿均著歸
原營以驍騎校補用西安滿營委驍騎校富通阿直
隸涿州營千總陳兆綸督標署保定營把總李天鳳
督標後營把總陶煜文張桂林閻德成提標三屯營
把總馬玉鳳督標右營經制外委田喜吳璋後營經
制外委張殿元左營經制外委毛鳳岐左營額外外
委郝永勝後營額外外委陳兆麟保定營額外外委
黨霖甘肅督標中營經制外委楊正魁左營經制外
委楊坤涼州鎮標中營經制外委夏元廣甘州提標

右營經制外委馬維河州鎮屬舊兆營額外外委陳
延魁涼州鎮屬三眼井額外外委顏大成西寧鎮屬
甘都堂額外外委馬環督標前營武舉寶林西安滿
營前鋒德斌伊犁索倫馬甲依策阿三音札布錫伯
馬甲蘇札布依勒爾圖沙金泰直隸督標左營馬兵
李士珍劉鳳楊得功蘇魁前營馬兵劉萬邦吳臻馬
正後營馬兵李治平保定營馬兵姚芝林崔玉樹甘
肅督標中營馬兵羅魁楊自玉目兵李一清劉鶴年
右營馬兵高魁王建功左營目兵馬殿祿涼州鎮標
馬兵馬珍沈占雄河州鎮標馬兵黃傑安西協營馬

兵鄭子林均著賞戴藍翎其辦理善後經手錢糧事竣擬保之文員候選同知張循徵著留於陝甘以同知不論繁簡遇缺卽補浙江卽補知縣周王福著賞加同知銜原任知州銜浙江歸安縣知縣馬伯樂前經賞給七品職銜俟事竣後送部引見仍著遵前旨送部引見卽選府經歷縣丞賴福邦著免選本班以知縣儘先選用年滿筆帖式額外驍騎校元德著以應陞之守禦所千總遇缺卽補先換頂戴卽選從九品未入流趙秉信著免選本班以府經歷縣丞不論雙單月歸部卽選召募經書郭陞著以從九品未入

流歸部選用其善後事竣撤局擬保之武員留防甘肅鎮夷遊擊王一鳳著以叅將卽陞留防甘肅洮岷協營都司程謙著以遊擊儘先陞用先換頂戴留防甘肅玉泉營守備王金棟甘肅提標左營守備常殿勲均著以都司儘先陞用先換頂戴留防陝西西固營千總朱成貴著以守備儘先陞用留防甘肅督標中營千總陶福著以守備陞用留防甘肅卽補守備嘉峪關藍翎千總李繼善甘肅卽補守備莊浪營藍翎千總汪吉受均著賞換花翎陝西馬營監經制外委效紀伯甘肅督標前營目兵鐵秉忠均著賞戴藍

翎其辦理善後尤爲出力之和闡阿奇木二等台吉
依斯瑪依爾著賞給頭等台吉葉爾羌阿奇木阿布
都爾滿之子二等侍衛阿滿愛孜斯著賞給頭等侍
衛喀什噶爾四品伊什罕伯克托胡達呢襟爾著賞
給三品頂帶喀什噶爾六品頂翎回子阿比皮呢斯
卜色蘇布爾格均著賞給五品頂翎喀什噶爾五品
海子伯克邁瑪哈斯木著賞戴花翎沙雅爾六品海
子伯克阿哈伯克著賞給五品頂翎葉爾羌五品伯
克阿布都開列木六品伯克愛孜斯均著賞戴藍翎
奇里克愛曼三品頂翎布魯特比托依邁特著賞給

二品頂戴冲巴噶什愛曼五品頂翎布魯特比托胡
達伯克著賞給四品頂戴巴錫奇斯愛曼六品頂翎
布魯特比達爾五什著賞給五品頂翎以示獎勵該
部知道

道光八年十二月二十八日會同喀什噶爾叅贊
大臣武公隆阿

奏黑帽大阿渾奈瑪特至日衆黑帽回子有三四千
人不分男女老幼膜拜歡迎其信奉實出至誠而
伊薩克辦理此事真心出力尤爲黑帽回衆之所
深感且不隨浩罕詭計使卡內黑帽回衆人心大

定卡外又絕一繫心之事其用心忠誠可嘉厥功亦不可壅於

上聞請

旨將其子現任阿克蘇阿奇木愛瑪特或

賞桃

乾清門行走伊更加體面有光俾各回衆益知感戴

天恩人心永臻大定謹

奏

道光九年二月初一日奉

上諭那彥成等奏請鼓勵辦事出力之阿奇木等語喀

什噶爾幫辦大臣阿奇木伯克伊薩克辦理回務實
心出力著將其子現任阿克蘇阿奇木伯克愛瑪特
加恩賞挑乾清門侍衛以示鼓勵

道光九年正月十二日會同喀什噶爾叅贊大臣
武公隆阿

奏爲留防遊擊奏叅出缺遊員遞請陞補事竊臣等
前因留防英吉沙爾城守營遊擊甘肅玉泉營遊
擊張作友於巴達克山夷人入卡貿易未能查明
率派一兵送至喀城玩忽奏定章程請

旨將該員降爲守備聲明所遺員缺另行遊員請補在

案伏查定例派往出征員弁遇有軍營所出之缺
盡歸軍營量功陞用等語茲張作友所遺甘肅玉
泉營遊擊一缺自應陞用軍營出力人員查有甘
肅硤口營都司朱貴堪以陞補其所遺硤口營都
司員缺請以西寧鎮巴暖營守備田善述陞補巴
暖營守備員缺請以甘州提標左營千總凌長星
陞補甘州提標左營千總員缺請以涼州鎮莊浪
營把總袁得貴陞補以上均係軍營出力人員量
功遞請陞補與例相符合無仰懇

皇上天恩俯准朱貴等遞陞玉泉營遊擊等缺如蒙

俞允請

旨勅下部

臣

先行給予該員等陞署劄付以憑支食俸

廉仍俟事竣入關由陝甘督

臣

給咨赴部引

見後再行給予陞授劄付以符定制其所遺把總以下

糧缺咨

臣

等查明出力弁兵照例咨部援補謹

奏

道光九年二月十四日奉

上諭那彥成等奏請遴員遞陞遊擊等缺一摺著照所
請甘肅玉泉營遊擊員缺准其以朱貴陞補所遺硤
石口營都司員缺著田善述陞補其所遺西寧鎮巴

暖營守備員缺著凌長星陞補其所遺甘州提標左營千總員缺著袁得貴陞補餘俱著照所奏辦理該部知道

道光九年二月初五日會同喀什噶爾叅贊大臣武公隆阿

奏_臣等上次酌保各城辦工出力人員聲明烏什保送各員現經咨減俟覆到另行核奏在案茲准該城辦事大臣布彥泰等將原保各員大加刪減咨請核奏前來查據單開

烏什印房章京刑部主事德克崇額總司錢糧實

力撙節督催工匠認真該員保實缺俸深主事
請以直隸州知州歸部儘先選用

涼州鎮岔口營花翎都司仇懷瑾監修工程諸事
認真請

賞加遊擊銜

甘州提標察罕俄博營藍翎都司馬奉三古城滿
營佐領瑪勒洪阿該二員督催工匠尅期完竣
馬奉三請

賞換花翎瑪勒洪阿請

賞戴藍翎

涼州鎮松山營守備成其祥監修卡堡兵房甚爲
勤勞請以應陞之缺儘先陞用

筆帖式札拉豐阿那們布委筆帖式色布什新托
雲布阿坤布從九品孫如林未入流翼海該員
等購運料物分投催工甚爲勤奮請

旨交部從優議敘

書吏張彪李堃董居正該吏等派赴工次經管料
物小心謹慎張彪李堃請以從九品未入流籤
掣給照俟著役五年再留二年期滿照九年已
滿吏遇缺卽選董居正請以未入流籤掣給照

歸部選用

以上各員臣等逐加覆核並無浮濫相應據實奏聞仰懇

皇上天恩分別鼓勵以獎微勞謹

奏

道光九年三月初六日奉

上諭那彥成等奏請將烏什辦工出力各員分別鼓勵等語前據那彥成等保奏各城辦工出力人員聲明烏什保送各員俟覆到另行核奏茲將出力各員附片呈覽著照所請烏什印房章京刑部主事德克崇

額雅以直隸州知州歸部儘先選用涼州鎮岔口營
都司仇懷瑾著賞加遊擊銜甘州提標察罕俄博營
藍翎都司馬奉三賞換花翎古城滿洲營佐領瑪勒
洪阿賞戴藍翎涼洲鎮松山營守備成其祥著以應
陞之缺儘先陞用筆帖式色布什新托雲布阿坤布
從九品孫如林未入流龔海俱交部從優議敘書吏
張彪李堃著以從九品未入流籤掣給照俟著役五年
後再留二年期滿照九年已滿吏遇缺卽選董居正
著以未入流籤掣給照歸部選用以示獎勵該部知

道

道光九年三月初五日會同喀什噶爾叅贊大臣

武公隆阿

奏爲分別委署兼攝以便迅速各赴新任以重職守

事竊

臣

於二月二十三日欽奉清字

上諭武隆阿已令回京所遺員缺札隆阿著賞給副都
統職銜照例賞戴花翎署理喀什噶爾叅贊大臣事
務所遺員缺壁昌著賞給頭等侍衛署理葉爾羌總
辦大臣事務常德著賞給三等侍衛作爲烏什總辦
大臣所遺伊犁領隊大臣員缺著孝順岱調補所遺
員缺舒倫保著賞給副都統職銜作爲和闐協辦領

隊大臣所遺喀什噶爾換班總兵員缺著布彥泰補授俱各馳驛前赴新任欽此當卽欽遵轉行知照據壁昌舒倫保望

闕叩頭請據情代奏祇謝

天恩臣飭令壁昌卽日起程前赴葉爾羌接署以便札

隆阿馳赴叅贊署任惟查新任烏什幫辦大臣景昌尙未到任布彥泰未便暫離計此時常德亦未出關約計行抵烏什總在五六月間若俟常德到任後布彥泰再赴總兵新任未免曠日持久喀什噶爾正當防兵初到之時約束操防與舊日換防

情形迥異必須實缺總兵到任認真督率兵丁始
能整飭舒倫保仰蒙

簡授總兵迄今半載有餘明白精細實心任事老誠可
靠於營務並無貽誤今蒙

簡調和闡幫辦該員斷不敢存五日京兆之見稍涉因
循而無如緣營習氣視已經陞調之官卽不免心
存懈怠遇事難期得力常德到任尙需時日自應
委員先赴烏什署篆以便布彥泰及早蒞任第南
路現無可委之員反覆思維舒倫保用之回疆尙
能稱職若再加以歷練措置益可裕如烏什同情

安帖而地臨卡外有撫馭布魯特之責操兵屯田
均關緊要較之總兵專管綠營政務倍繁委令舒
倫保前往暫署和闐地方事簡幫辦亦不急於待
人而布彥泰交替有人亦可迅速馳赴新任於喀
什噶爾換防營務更有裨益所有總兵篆務臣已
咨行札隆阿暫時兼攝仍飭舒倫保俟常德到任
後卽赴和闐幫辦本任並分咨遵照謹

奏奉

硃批知道了

道光九年二月初九日次子容照蒙

恩授鑲白旗護軍統領

道光九年三月二十日

奏爲恭謝

天恩事

臣

子容照於三月十六日在葉爾羌屬烏土

斯克滿途次接准部咨本年二月初九日奉清字

上諭鑲白旗護軍統領員缺著容照補授欽此當卽恭

設香案率同

臣

子容照望

闕叩頭祇謝

天恩伏念容照年輕愚魯仰荷

殊恩前年奉

命隨征藉資學習年餘以來隨辦善後事宜涓埃未報
迺蒙

聖慈優渥於上年

簡授正白旗蒙古副都統茲復仰沐

特恩補授鑲白旗護軍統領

臣

一家父子洊被

殊榮雖頂踵捐糜不足圖報既深感激倍切悚惶惟有
訓飭容照勉竭愚忱盡心職守以期仰副

聖主造就成全

逾格鴻慈於萬一至

臣

原應令容照先行兼程入都祇

謝

天恩因關外長馬長途日行僅可兩站不能趲進俟抵嘉峪關當令容照星夜邁行先期馳赴

宮門叩謝

天恩恭請

聖安

臣

趙程行走六月內總可到京恭復

恩命謹將感激下忱繕摺率同容照祇謝

天恩謹

奏奉

硃批覽奏俱悉

驅逐偷住卡內安集延

謹案道光八年四月十九日奏內

奏查烏城寄居安集延查有一百二十餘戶除流寓
在十年以內及查起大黃茶葉並隻身往來貿易
者五十戶已遵照奏定章程逐出卡倫外其餘七
十餘戶均係寄居數輩種地營生平日並不出卡
甚爲安靜仍嚴飭該阿奇木將此項人戶編入回
戶一律當差不准出卡營運私交買賣照例不准
與回子結親不准置產種地亦不准過一頃臣已
諄囑多貴布彥泰隨時查察有犯卽逐不可稍存

姑息總期不動聲色逐漸驅除淨盡爲要謹

奏

謹案欽奉

上諭已載收撫布魯特門類

道光八年七月十九日會同叅贊大臣固原提督
楊公芳喀什噶爾叅贊大臣武公隆阿

奏爲分別驅逐安集延夷人查起大黃茶葉入官事

竊臣那彥成前奏各城流寓安集延必當逐出卡

倫因人戶衆多同時並逐礙難辦理凡寄居在十
年以內與囤積茶黃者先行逐出其餘暫准居住

以安其心以後有犯卽逐數年之後可以驅除淨盡茲准軍機大臣字寄欽奉

諭旨朕思此項人數衆多相沿已久固不可姑息容留任其盤踞貽患但欲全行逐出設辦理不善轉恐激成事端該督務當實心體察情形持以鎮靜通行各城妥辦並著叅贊大臣每年查覈具奏一次以收實效欽此仰徵我

皇上燭照幾先無遠弗届之至意臣等不勝欽感欽服當卽欽遵咨行各城鎮靜妥辦旋據南路八城先後覆稱喀喇沙爾回莊無多均係土爾扈特游牧

地面並無安集延流寓在境庫車查有安集延二十五戶並無囤積茶黃內寄居在十年以內者一戶遵照驅逐出卡阿克蘇驅逐寄居十年以內並囤積茶黃安集延回子六十五戶起出大黃七千六百五十餘觔茶葉六萬九百三十餘觔烏什驅逐寄居十年以內並囤積茶黃安集延回子五十戶起出大黃八觔茶葉一千五百觔葉爾羌驅逐寄居十年以內並囤積茶黃安集延回子二十戶起出大黃一千四百二十餘觔茶葉二千七百四十餘觔和闐驅逐寄居十年以內並囤積茶

黃安集延回子二十九戶起出大黃三十餘觔茶葉二千八百四十餘觔喀什噶爾驅逐寄居十年以內並囤積茶黃安集延回子一百零八戶起出大黃二百三十餘觔茶葉九百五十餘觔英吉沙爾驅逐寄居十年以內安集延回子十一戶該處近接喀什城非商販聚集之區查無囤積茶黃以上通共逐出安集延回子二百八十九戶所起茶黃散給各城換防官兵零星照市價酌減扣餉入官充公大黃毋庸扣價統計各城尙存安集延回子庫車二十四戶阿克蘇三百六十五戶烏什六十

八戶葉爾羌一百三十七戶喀什噶爾六百零七
戶英吉沙爾七十七戶又查阿克蘇有流寓布噶
爾克什米爾等外夷除已驅逐二十一戶外尙存
一百零八戶葉爾羌有流寓巴達克山克什米爾
瓦罕巴爾提等外夷除已驅逐三百六戶外尙存
六百十七戶此等外夷前年旣未從逆現復查明
均係流寓年久種地傭工並非貿易之流臣等復
又咨行各城將未經驅逐各外夷一體編入回戶
當差只准種地不准貿易有請票出卡者准其給
票出卡不准再回已有家室者隨時增減隨時具

報所生子女不准與同子結親未有家室者不准
安家有房產者不准添蓋田產不准過百畝逾額
入官有犯禁令及囤積違禁物件卽行驅逐每年
逐出若干將增減戶口欽遵

諭旨責成叅贊大臣查核具奏一次如此實力奉行數
年之後不難驅逐盡淨且卡外自不復再有進卡
流寓之人可冀根株盡絕謹

奏奉

硃批數年後果能驅逐一空豈非安邊之良策總要實
力奉行斷不可日久疎懈

道光八年十一月二十二日會同喀什噶爾叅贊
大臣武公隆阿

奏爲查明各城流寓十年以外安集延各外夷自置
房地增收糧石事竊臣等前奏驅逐南路各城安
集延等外夷聲明喀喇沙爾並無安集延流寓在
境庫車阿克蘇烏什葉爾羌和闐英吉沙爾喀什
噶爾七城寄居安集延並布噶爾克什米爾巴達
克山等外夷除囤積大黃茶葉及寄居在十年以
內概行驅逐出卡外其流寓十年以外各夷人暫
准居住一體編入回戶當差只准種地田產不得

過百畝逾額入官有犯卽逐奏蒙

硃批數年後果能驅逐一空豈非安邊之良策總要實力奉行斷不可日久疎懈欽此當卽恭錄咨行各城欽遵辦理並令確查該外夷何人置有房地先行入冊輸糧其有地過百畝之戶查明入官勿稍姑息茲據各城大臣先後咨報庫車寄居十年以外安集延二十四戶續查出一戶共二十五戶應徵糧十二石五斗阿克蘇寄居十年以外安集延並布噶爾等外夷四百七十三戶應徵糧一百三十四石烏什寄居十年以外安集延六十八戶又續

查出布噶爾等外夷十四戶共八十二戶均無地
畝房屋葉爾羌寄居十年以外安集延並巴達克
山等外夷七百五十四戶內二百二十六戶應徵
糧一千三百九十七石七斗零和闐於上次具奏
後查報寄居十年以外安集延二百二十九戶內
一百三十六戶應徵糧七十五石五斗零英吉沙
爾寄居十年以外安集延七十七戶內三十一戶
應徵糧一百二十五石五斗喀什噶爾寄居十年
以外安集延六百零七戶除續經驅逐外現存五
百九十二戶內一百三十五戶應徵糧四百二十

五石通共增出糧二千一百七十石零均據聲明
該外夷並無地過百畝之戶其餘傭工度日本無
房地者均編入回戶一體當差仍隨時嚴密稽查
有犯卽逐等情咨覆前來臣等伏查布喇爾克什
米爾巴達克山等外夷流寓阿克蘇葉爾羌等城
種地傭工相沿年久且該部落並無從逆之人其
情可原惟安集延爲浩罕所屬久在卡內貿易漁
利乃忘

恩反噬肆其鴟張卽將該夷同類之人全行驅逐出卡
亦不爲過因人數過多不忍同時並逐是以奏請

分年辦理現已查明戶口均有冊檔可稽各大臣
隨時查察實力奉行數年之後誠不難驅逐一空
且臣等現又咨行各城以該外夷均係奏奉

諭旨必應驅逐之人不得以現在業已納糧當差不復
過問以致日久因循於善後章程依然有名無實
惟當設法稽查稍有過犯卽行押逐不可日久疎
懈仍將每年逐出人數咨報叅贊大臣於年終彙
奏一次以副

聖主綏靜邊疆之至意謹

奏奉

殊批知道了

善後交代

道光九年二月二十日

奏爲遵

旨起程來京覆

命事竊

臣

於本年二月十三日接奉

諭旨令

臣

迅速來京覆

命

臣

跪讀之下曷勝愧悚伏念

臣

自道光七年冬間恭

奉

恩命馳赴喀什噶爾辦理善後事宜自去年馳抵喀什

噶爾以來所有奏辦各事一秉

聖明廟算捫心自問並未稍盡愚忱迺蒙

皇上格外施恩

賞賚頻頒有加無已臣無勞受

寵五夜難安一時愚昧擬將逆裔家屬及各逸犯設法
辦理庶幾少報

鴻施茲蒙

皇上指示不准窮搜遠捕該逆等不過金底游魂無足
輕重臣曠若發蒙聾聵頓醒撫躬自責悚懼交並
現將歷次奏蒙

允准各事宜一一向臣武隆阿等具細交代清楚卽行

起程來京恭覆

恩命謹

奏奉

硃批知道了

道光九年三月初五日

奏爲辦理善後事宜完竣詳細交代擇要奏明並報

起程日期事竊

臣奉

命辦理同疆八城善後事宜自前年出京以後迄今年
半之久先後奏事一百四十餘件除循例公事外
其有關興利除弊

國計邊防及整飭官兵撫綏回衆控制外夷者共有八十餘件均已欽奉

諭旨准行咨照各城遵辦在案茲武隆阿奉

命入都

陛見

特派札隆阿署理叅贊大臣篆務當臣事竣起程之日

適武隆阿亦同時瓜代自應將所辦一切事宜分

晰交代以便札隆阿鉅細周知得無遺漏查札隆

阿曾任喀什噶爾駝馬處章京情形素所熟悉自

蒙

恩補放葉爾羌辦事大臣以來辦理諸務井井有條卽

係臣所陳奏善後各件亦隨時抄錄行知與身親

其事無異然叅贊有統轄八城責任喀什噶爾有
控制邊外機宜較之坐辦專城情形稍有區別更
應詳晰交代庶遇事有所把握除當面悉逐一詳
指外其尤關緊要如考察各城大臣賢否嚴查賣
放伯克積弊密訪已革陋規有無新設及撫馭外
夷嚴守卡倫防範浩罕冒混通商操練防兵等事
皆爲善後綱領至浩罕不與通商實爲

聖主洞燭邊情操縱扼要之良策

臣體察情形該夷生

計日蹙不久必叩關効順如果將內地兵民及首
逆家屬全行送出其時未便再爲拒絕自當奏懇
恩施予以通市然恐稍涉遷就墜其術中不特復蹈從
前故轍以後邊防仍無控制之柄實屬大有關係
經臣悉心計議總須將從前該夷狂妄把持惡習
與之詳細條約破除淨盡如該夷使來城謁見叅
贊應照依各城阿奇木伯克回子見叅贊行禮問
其能否遵照卽該夷使應允亦不足信令其歸向
該伯克及管事之人說明如果實在允從再來回
覆俟其復來與之定表文款式該夷向遞貢表該

伯克名字用泥金書寫其稱謂尤狂悖不經以後
應照屬國體制稱

天朝大皇帝該伯克稱奴才名字不准金書酌定表文
款式令該夷使歸向該伯克及管事之人說明如
果實在允從再來回覆俟其復來與之定貿易章
程無論貨物多少不准絲毫免稅亦不准該夷派
胡達依答在卡內盤踞經管買賣該夷商到卡之
先照各外夷貿易之例報由本城派撥官兵前往
卡外點清人數押送進卡在貿易亭安置管押事
畢照數押送出卡如有逗遛一人

天朝定例卽按奸細罪名正法令該夷使歸向該伯克
及管事之人說明如果實在允從再來回覆三者
俱定該回俗最重抱經起誓令該夷使與本城阿
奇木當面抱經試其是否真誠有無勉強維時再
行逐一奏明請

旨定奪似此往返挫磨計期總有一二年之久不特該
伯克傲氣全消而常其生計艱難急於通市之時
復經多方懲創窮迫至極敢不震懾

天威誠心警服從此再不能誇耀外夷逞其詭計此實
善後最大關鍵如能照此辦理竟可永除邊患

臣

與札隆阿列欵交代並諄諄囑咐卡內外一切事
宜雖經臣與楊芳武隆阿確核奏定然地方情形
隨時更易臣萬不敢謬執已見以爲事事必皆可
行設有因時制宜因地制宜之處不妨據實奏明
務求其是惟將來崔浩罕通商一事斷不可因該
夷業已歸向稍圖省事將就復長其傲慢之習是
以將此事詳細奏

聞請

旨勅下札隆阿立定主見如法辦理俾其加意慎重得
所準的並於交代事宜內擇其尤爲緊要者摘敘

簡明事由繕具清單恭呈

御覽再_臣 欽奉

上諭本年直隸辦理

盛京差務令_臣 迅速起程務於六月內到京跪讀之

下使_臣 犬馬戀

主之忱益難自釋查喀什噶爾換防兵丁現已陸續到
戍計三月望間總可到齊所有留防未撤征兵一
千九百餘名卽於二月二十八三月初六初十等
日分三起派委幹將備管帶進關該兵丁等先
後行走均離_臣 不過數站隨時堪以查察斷不敢

硃

稍滋事端於彈壓更爲周密札隆阿已於三月初五日到來交代完竣臣卽於三月初六日自喀起程沿途趲程行走六月內准可到京恭覆

恩命謹

奏

道光九年四月初七日軍機大臣字寄奉

上諭那彥成等另摺奏將善後事宜詳細交代札隆阿照辦尙無不可惟稱浩罕不久必叩關効順與之詳細條約准其通商一節仍在夢中不特被擄內地兵民無庸責令送出卽首逆家屬亦何必示意令其縛

獻此後斷不在擅差卡內回子前往浩罕妄通一語
即使該伯克遣人來卡亦斷不在該叅贊等卽令入
卡接見總當遵照節次諭旨嚴查防範勿致稍有冒
混通商偷漏茶葉大黃之事如實在窮迫不支誠心
誓服欵關効順一面仍示峻絕一面據實奏明請旨
遵辦斷不可輕聽妄信草率從事將此諭知札隆阿
並諭那彥成知之

道光九年六月十三日諭

觀同直隸總督任

重陳西陲軍務

道光十年九月初六日

奏爲敬陳愚昧下忱奏祈

聖訓事竊

臣

連日接據軍臺稟報九月初二日接遞陝

甘總督六百里加緊摺報北上初四五等日據遞

軍機處交出字寄陝甘督

臣

楊遇春等六百里加

緊文報並

頒發楊遇春

欽差大臣關防在肅州一帶探投

臣

悉心揣度似係關

外又復不靖是以發兵勦辦惟未得前途確信寸

衷憤懣寢食不安伏查

臣

在回疆辦理善後甫於

上年夏間回京如果各城回子復有蠢動是

臣辦

理未能周妥致不久又生變亂此係

臣

未了之事

分應馳往查辦以期稍盡犬馬之力如係卡外部

落小醜跳梁

臣

世受

國恩而於該處情形亦稍熟悉應否前往充數備員

幫同殲滅之處不自揣量繕摺敬陳仰祈

聖訓祇遵謹

奏奉

硃批現在尙未得有確信不必再行竄請

道光十年十月初五日

奏爲敬陳管見事竊照此次卡外逆夷入卡滋事

臣

未能親歷行間少効犬馬雖日夜切心究屬懸揣
因未知實在情形不敢妄抒臆見近日始悉二城
無事葉爾羌存城之兵無幾居然大挫賊鋒指日
大兵齊集

天戈所指不難立解喀英二城之圍一掃蕩平第念撲
滅無難除根匪易事前應如何設法誘縛事後應
如何宣示德威以及馬駝糧運在在均關緊要
臣悉心揣度未必悉合機宜惟祖孫父子世受

國恩不敢不勉竭計慮稍陳一得之愚謹酌舉七條
伏祈

皇上指示

一上屆張逆假浩罕之名煽惑回衆各回衆爲其所愚以爲派罕巴爾後裔一到必有加惠回子之處是以各城安心從逆孰知張逆據城之後縱用安集延布魯特大肆搶掠貪淫暴虐回衆受其荼毒深自愧悔追大兵克復四城又因查得張逆滋事亦由於卡內安集延勾串連結而回疆大小官員相沿陋規剝削回衆以致釀成

巨案及賣放伯克積弊並一切各衙門差徭苛斂之事均得仰蒙

特恩將陞補伯克明定章程各城陋規永遠革除泐石刷印各貼各回莊曉諭該回衆等家喻戶曉感沐

深仁安居樂業已不受絲毫擾累而前次從征在事出力之伯克回子均蒙

聖恩大加陞賞德澤如斯回衆感激實出至誠茲和闐安堵葉爾羌回子隨同官兵抵禦賊匪烏什阿克蘇回衆採辦糧石以資兵食其無變亂之心

已可概見卽喀英二城被圍各回莊難保不被
賊脅從如果回子全行助賊豈能日久固守是
回衆皆盡心帖服第大兵一到回衆各思効順
各回莊皆係向化之人各賊目無處存身勢必
逃竄出卡旣不便興兵勦洗又無從責令何人
縛獻餘孽未除邊患無已惟有於大兵未經進
仗之前飭令能事伯克如阿克蘇等處阿奇木
邁瑪特胡達巴爾第玉素普等潛差親信安人
前赴喀英二城密諭各回莊將各賊目逐一縛
獻出力之人

恩賜翎頂補用伯克永遠免其錢糧以昭信賞庶於捕獲可期得力

一此次從逆黨羽必須痛加剿殺查上屆張逆入卡滋事

命將出師旬日克復四城時因首逆尙在逋誅以爲元惡就獲餘氛勢必瓦解迨逆酋援首大功底定餘孽未及窮搜然浩罕本爲張逆羽翼安集延與布魯特之阿坦台汰劣克等鴟肆助惡均屬罪不容誅之犯祇以卡外途遠山深路徑不熟甫當用兵蕩平之後恐別啟邊釁是以姑置不

問此次逆賊既已生心滋蔓大兵到後是必須
盡數殲除逃者亦必設法擒獲務盡根株查上
屆張逆滋事惟白帽回子相率從逆此次賊匪
圍困喀英二城仍是上次逃竄出卡之白帽回
子博巴克愛散巴噶託胡達等惑衆勾結白帽
回莊可見氣類相感斷不能回心向化此時再
有姑息則依然不知畏懼終非久安長治之策
將來勦平之後惟有責令喀葉二城阿奇木伯
克等確查此次從逆白帽回莊盡行勦洗家屬
亦應發遣至各城白帽回子原懷二心於六年

起事時臣卽條奏大兵勦平後務將白帽回子
全行遷徙嗣經長齡議以礙難辦理是以中止
今若將各城白帽回子概行遷徙人數太多自
難辦理惟喀葉二城之人兩次從逆勢不可再
有姑息應請將該二處白帽回子查明分子內
地遷徙安置以絕勾連而杜後患

一此次各城黑帽回衆隨同官兵打仗守城足見
人心不變然逆賊入卡於各回莊必有逼脅隨
同逆賊肆其搶掠兵到則各散歸家安然無事
但見有利而無害習慣成爲故事此最可慮應

請平定後務從嚴查辦悉予嚴誅俾知順我者
昌逆我者亡庶足示之儆戒

一布魯特向來畏威恭順自巴彥巴圖攝以來
漸形離畔繼之安福在卡失機以致阿坦台汰
劣克毫無畏懼敢肆滋擾若大兵一到勢必紛
紛逃竄出卡稍有姑息則奸宄毫無畏懼惟乘
此兵力查明從逆入卡者何人立予勦洗其世
有勞績及現在恭順出力之愛曼奏懇

聖恩優加賞資或照舊例給予翎頂歲俸示以羈縻使
其彼此互相疑貳有賊亦可得信竄逃散賊亦

大黃茶葉爲外夷必需而浩罕各夷藉此轉販
各部落獲利倍屢長齡前因張逆未獲卽經
奏請嚴禁茶黃出卡使該夷等無以資生藉擒獻張
逆爲求通貿易地步立法本中機要嗣臣奉
命前往籌辦善後復奉

諭旨令臣到彼後嚴定章程辦理務須實力稽查不可

有名無實致爲外夷所竊笑欽此當經臣疊次陳奏

外夷恭順各部落有需內地茶黃貨物者照常
准其貿易惟於浩罕斷不與之通商亦不遽與
之決絕且先制其生計數年之間可致窮蹙自

不敢肆其鴟張若謂嚴禁茶黃恐激而生事竊
思張逆未經滋事以前又何嘗禁止茶黃何以
張逆煽誘入卡滋擾此次逃竄餘孽仍敢復萌
故智均於茶黃毫無干涉且此等逆叛豈不應
禁其茶黃絕其生計倘以餘匪之故遽將茶黃
弛禁漸准外夷通市非特示弱有關

天朝政體亦於邊防無所控制臣愚昧之見將來剿平
後仍應將茶黃嚴行禁絕恭順者方准貿易逆
匪則永遠斷絕不准貿易以示儆懲而靖邊圉
以上各條謹就臣愚昧之見冒竇

上陳謹

奏

謹按此奏

留中未發

罷斥

飾終

道光十年十月十四日長子容安以帶兵遲悞奉
旨交部嚴加議處嗣經議上奉

旨將容安革職所襲子爵以容照承襲

道光十年十月二十三日

奏爲滙陳感悚下忱恭謝

天恩事竊臣恭閱邸抄本月十七日奉

上諭容安帶領伊犁官兵民勇四千五百名行抵阿克
蘇卽使酌留一千名防守各處尙有三千五百名之

多且各路援兵接續趕到儘可先赴葉爾羌一帶以壯聲威俾喀什噶爾英吉沙爾兩處賊匪聞風震懾其圍自可立解卽如葉爾羌防守兵士無多尙能大獲勝仗今擁此重兵觀望不進實屬怯懦無能況據容安等奏委員前往大路一帶地方偵探齊蘭臺以南並無賊蹤是前途軍臺廓清道路無虞梗阻正可乘時進發若云阿克蘇等處尙須留兵防守何以援兵未到之前阿克蘇烏什皆可安堵如常何嘗無兵防守調度乖方藉詞延宕遲悞之咎實無可辭容安著暫行革職將來喀什噶爾英吉沙爾二城獲保安

全或可施恩另賞差使若該二城日久力竭援兵不至容安必當從重治罪伊所襲子爵著容照承襲欽此並接據容照來稟

召見時蒙

諭容安業經獲咎念臣年老將子爵令容照承襲俾臣

衰暮之心得以少慰聞

硃

命之下惶恐戰悚銜感蟻忱莫能名狀伏思喀什噶爾

此番情形與前次不同前次南四城俱失此次喀什噶爾英吉沙爾尚在固守和闐則逆酋餘孽復煽入卡滋擾二城同在危急調派伊犁無辜故棄爾羌雖有賊滋擾被處兵同猶能抵禦容安親領伊犁官兵四千五百到阿齊蘇後休息四五日備備軍火糧餉親率馬隊二三千名其餘兵五百名業已全抵阿克蘇兵行雖為迅速惟進兵

勇將二十日之糧山大路進發半月餘不能抵葉爾羌耶魯中途中賊催調
勦賊前途之偵探賊蹤後路之催調接應並籌備
糧餉源源濟運將領是否有人步步均須慎重方
期有戰必克此卽熟諳帶兵之員少有計算未周
尙虞措置不能盡妥容安年輕少所經歷似此獨
當一面之重臣卽知其斷難勝任臣自得容安赴
阿克蘇之信時時憂懼冀仗
令容安前往朕卽料其必懷事求是以爲降令其同往來京之旨苦於道遠音

皇上鴻福

天戈

所指逆回震懾或可迅奏膚功此時自當量敵而

進乃竟拘泥留防烏什阿克蘇仍欲催調烏魯木

齊及土爾扈特官兵到齊分布防守再分隊進剿

誠如

聖諭怯懦無能卽將其從重治罪亦所應得仰蒙

聖主恩施僅予革職猶荷

垂念

臣

桑榆晚景將容安所襲子爵轉襲容照長子雖

經獲咎仍復

恩施及於次子更且

溫諭頻加以慰衰朽殘生沐

矜全之逾格彌循省以難安且

臣

既未能親歷行間稍

効馳驅長子容安自棄

生成又復獲咎次子容照亦乏犬馬之報遽邀

賜襲之仁

臣

顧影滋漸感實無地悚惶畏懼晝夜難安

仰求

硃

皇上天恩將

父子兄弟舉不相及

一併治罪庶心可少安亦足以明示儆

戒謹

奏奉

硃批覽

道光十一年正月十七日

奏爲瀝陳感懼下忱恭摺叩謝

天恩事竊

臣

恭閱邸抄本年正月十一日奉

上諭據長齡奏查明容安等罪欵定擬具奏容安坐擁

重兵畏蒞不前辜負國恩貽誤事機本應照軍法從事在阿克蘇卽行正法姑念現在二城之圍已解尙可寬其二線容安著加恩照長齡所擬依軍臨敵境違期三日斬監候律擬斬監候入於本年朝審情實欽此

臣

跪誦之下感激涕零竊思容安世受

國恩更蒙

皇上聖恩由侍衛

挑入

乾清門行走旋荷

特恩補授副都統

界以伊犁叅贊重任此次喀什噶爾逆回滋擾警報緊急容安果能一鼓進發殲賊解圍自必較他人倍邀

高厚乃容安福薄識淺於抵阿克蘇時遲疑觀望誠如聖諭無謀無勇措置乖方卽將容安在阿克蘇卽行正法亦屬罪所應得今英喀二城仰賴

天威鴻福均就廓清復蒙

逾格鴻慈寬其一綫貸以須臾舉家伏地叩頭莫名悚懼臣一息尙存惟有竭盡犬馬餘力以期仰答

聖主鴻慈於萬一謹

奏奉

硃批覽

道光十一年二月初九日

命革直隸總督太子太保雙眼花翎紫纓並降次子容
照爲三等侍衛奉

上諭長齡奏訪查逆回起衅根由一摺此次逆回滋事
前此疊經降旨令該將軍查明起衅根由據實具奏
不准含混茲據奏行抵阿克蘇後詢據布魯特比等
僉稱浩罕安集延逆賊入卡滋事由於抄沒貨物驅
逐出卡以致懷恨勾結與沿途所訪輿論相符復據

各城咨覆均與傳訛各供無異是起衅根由顯係驅逐安集延查抄家財斷離眷口禁止茶葉大黃所致那彥成上屆係特奉諭旨前往辦理善後事宜乃不能體察情形籌畫妥善行之未及二年又有逆回滋擾之事悞國肇衅罪有攸歸著先行革去太子太保銜拔去雙眼花翎並革去紫纁交部嚴加議處伊子容照著逐出乾清門並革退理藩院右侍郎鑲白旗護軍統領正黃旗蒙古副都統國史館清文總校著賞給三等待衛在大門上行

道光十一年二月十二日奉

上諭直隸總督那彥成上屆經朕特旨派往喀什噶爾辦理善後事宜應卽悉心籌酌一切俱臻妥善俾邊圉永綏方爲不負委任乃不能體察情形師心自用辦理失宜行之未及二年又有逆回滋擾之事疊經諭令長齡訪查起衅根由據該將軍查明該處情形具奏是此次該逆等勾結入卡顯由那彥成前此驅逐安集延查抄家財斷離眷口禁止茶葉大黃所致當經降旨將那彥成先行革去太子太保銜拔去雙眼花翎並革去紫纁交部嚴加議處茲據吏部議奏請照溺職例革職那彥成辦理錯謬悞國肇衅辜恩

味良厥咎甚重著卽照部議革職以示懲儆

道光十一年八月十六日

擢任

盛京禮部侍郎旋於八月二十三日

命革

盛京禮部侍郎職奉

上諭國家人行政全在賞功罰過一秉大公方足以
示勸懲本年春間因那彥成上屆在喀什噶爾辦理
善後事宜不能受善行之未及二年又有逆回滋擾
之事降旨將那彥成革職昨因那彥成於嘉慶年間

曾在軍營出力道光年間兩任總督辦理地方公事
均無貽悞且追念伊祖阿桂宣力多年功績懋著實
爲不可再得之公正大臣是以推恩後裔仍將那彥
成補授盛京禮部侍郎本日據長齡等奏行抵喀什
噶爾據哈耶阿壁昌等述知浩罕先後差來頭人密
孜依斯邁提毛拉愛克木等三人呈遞稟帖中訴五
年以來斷絕貿易之苦累總以抄沒驅逐爲詞懇求
照舊通商等語是上年逆回入卡滋擾實由那彥成
嚴禁貿易抄沒驅逐安集延所致如果那彥成上屆
辦理善後時體察情形籌畫周妥俾夷回各安生業

何至激而生變卡外回夷藉口聚衆入卡滋擾乃身
受重恩特奉諭旨前往並不悉心體察以致釀成事
端一年以來勞師糜餉卡內回民復遭蹂躪那彥成
悞國辜衅卽照例治罪實屬咎所應得豈可復邀錄
用那彥成著卽革職以示懲儆

道光十二年七月初三日奉

上諭前因原任伊犁叅贊大臣容安身爲統兵大員不
知緩急當英吉沙爾喀什噶爾二城待援甚亟容安
懦弱無能坐擁重兵不趕緊由葉爾羌進發乃令哈
豐阿等繞道和闐前往以致耽延一月之久良莠不

前貽悞軍務業經問擬大辟解部監禁入朝審情實
辦理實屬罪所應得姑念伊曾祖阿桂平定西陲經
理新疆周詳妥協嗣勦捕大小金川又勦捕撒拉爾
及石峯堡回匪立就殄平入任綸扉贊勳樞要二十
餘年懋績丕著有古大臣之風嘉慶年間

賜謚文成並入祀賢良祠道光三年加恩配享

太廟功加於時實堪嘉獎那彥成雖經獲咎而於嘉慶年
間曾在軍營出力道光年間兩任總督宣力中外尙
無貽悞若使容安觀望遷延英吉沙爾喀什噶爾二
城竟致失事朕必照軍法嚴辦示懲斷不能曲加寬

有彼時二城圍解安堵現在浩罕伯克遣使進表極
爲恭順一切善後事宜經長齡等妥爲辦理朕軫念
盡臣推恩後裔容安尙可寬其一線量從末減著加
恩貸其一死發往吉林充當苦差

道光十三年二月十七日寅時壽終東安門外西
堂子衎衎舊第正寢

道光十三年二月十八日奉

上諭前任直隸總督那彥成於乾隆嘉慶年間服官中
外宣力有年嘉慶十八年勦辦滑縣教匪尤爲出力
道光年間於直隸總督任內亦屬認真前因回疆善

後事務辦理失宜將伊革職茲聞溘逝不忍忘其勞績著加恩賞給尙書銜照尙書例賜卹所有應得卹典該衙門察例具奏伊子容安前因領兵回疆庸懦畏蒞貽誤軍務問擬大辟旋以軍務事竣貸其一死發往吉林充當苦差已屬格外施恩茲那彥成身故加恩著卽釋回仍令閉門思過

道光十三年二月二十二日禮部

奏請應否予謚奉

旨准其子謚旋擬議奏上

賜謚文毅

道光十三年四月十三日

恩賜祭葬於京都左安門外小楊坊村 先塋之昭次

那文毅公等書回疆善後事宜奏議卷八十

原跋

歲乙亥安敬謹繕錄 家君奏議初編二十八卷
今歲檢 家君官直督時奏稿擇其要錄本編次
又得十二卷其尋常陳奏之篇不具載僅載者惟
明發

硃批要語及章奏要件蓋仍用初編例也初編始嘉慶己
未奉

旨視師秦隴至癸酉甲戌冬春之間底定豫東軍務累十
數年萃為一集是編僅直督一任始甲戌二月至
丙子六月裒輯獨多者蓋以直隸為畿輔重地春

秋

鑾御經臨並治兵治河諸大政視他省尤劇况家君蒞
任時正凱旋之候也畿南大軍甫定倖逃逆匪未
就殲擒

聖主宵旰焦勞日以除莠安良為急務家君寅承

天訓殫矢精誠鬚髮為之蒼白慈顏為之顛頓設法偵緝
究出灤州盧龍縣之石佛口王姓傳教自前明以
來為邪教總匯戮其魁而徙其族並獲劉玉隴等
首逆設保甲興義倉嚴兵練清鹽務撫綏諸政次
第舉興其他捕獲匪黨平反讞鞫形於奏章者累

續盈篋丙子夏嘆咭喇國人入貢預定章程以副
聖主懷柔之意是時 家君適以任陝甘制府任內失察
藩司冒銷賑務一崇奉

旨逮問離直督任丙子秋 家君奉

旨還家僅十有三日而遭 大母大故 大母自二十四
歲撫孤五十年辛苦艱難節傳中外至是以素疾
舉發遂爾仙逝 家君至孝痛不欲生仰蒙

仁宗睿皇帝深澤降

旨免罪將三等子爵仍以安承襲戊寅 家君復蒙

恩授翰林院侍講復游擢至倉場侍郎庚辰七月十五日

蒙

恩賞還單眼花翎次日謝

恩蒙

仁宗睿皇帝

召見

溫霽殷殷面諭曰好好辦事將來仍可賞還雙眼花翎是

月二十五日

仁宗睿皇帝

龍馭上賓去

召見之日僅十日耳恭繹

天語一似

聖意先有所示者噫家君仰受

知遇

雨露雷霆無非

聖澤而家君之自處得失如一轍於家於朝真誠肫摯
故能忠孝兩全庚辰秋

今上皇帝即位復蒙

特知由倉場侍郎擢至尚書都統並

命掌翰林院事及宗學各事件

天恩疊沛倍極

恩榮 家君益敬益誠孜孜然受

寵若驚安秉承 庭訓得窺萬一今續鈔奏議二編並

恭錄

諭旨若干件至在京各部院任內奏稿類皆照例事件故

不具載僅載陞轉各

諭旨用以紀

恩傳之吾兄弟子孫世世仰感無盡先是安自庚午隨任

讀書侍奉 大母幸於趨庭之際恭讀奏稿欣得

詳備輯錄題曰二編而不曰續編者以後之繼續

正未有艾是編不得專名續也男容安恭跋

道光三年三月三日

跋

烏序此 先文毅公畢生之宦蹟也 公起家翰林少年所作辭賦脫藁後輒棄去不欲以此名 自署楹帖曰有文事必有武備無智名亦無勇功 蓋立朝之大旨在是矣初事

高廟供奉

南齋以世臣故備蒙

優異時

先文成公方位首輔總機務常相隨入直於

文成所施措無不一一心識之逮後有

文成年譜之作乃知 公之秉時奏績所以酬

國恩而光前烈者其來固有自也

仁廟親政即繼

文成陟樞府旋以部臣出膺重寄由

岷粵而陝甘而畿輔而南河而西寧而喀什噶爾
有一至者焉有再至三至者焉輶車四出若黑龍
江若江右若浙省至則事皆立舉其典師旅也則
總統川陝軍務捕博羅餘匪勦撫洋盜驅逐野番
平定直隸山東河南教匪籌辦回疆善後事宜其
間或慮始或奏捷或與為始終或未及歲事而滑
縣之役不三月告功尤稱迅速

朝廷所以有爵命之加也安自勝衣而後公即詔

之曰人生涉世惟矢一誠即使一時蹇蹶迨事過亦無不釋然又言律已不可一介苟為天下計下宜苛以小節故公生平徃徃以脫畧于重咎然亦旋仆旋興即後因回疆經理未善不克以功名終彌留時病不能言以手指天淚數行下請其故則但示曰事必需人蓋心不忘

君而念念為

國家得人計拊天而不能詳耳身歿之日

上測然動念贈官予謚飾終之典視在位者無少差因以歎

聖天子之雨露雷霆無非至教亦公之積誠有以仰

邀

洞鑒也敬惟唐宋以來主聖臣賢代不數覲或遇虛懷
之君而輔弼無人或當事機之會而挾持無具即
賢矣而事非其主際匪其時功不暨而禮不終者
徃徃而有若人臣以制集行世如唐李衛公會昌
一品集之外尚有辨謗畧一書宋曾子固序其先
大夫外集致慨於齟齬周文忠公平園集其子綸
跋云中多時事未能盡刊皆有所感觸避忌而云
然也若公之遭際

聖明凡所敷陳十行八九即其不行亦再三誥誡而曲全之君臣之間忻合無間斯誠千載一時儻聽其湮沒不傳不特先公功績無由表見即

三朝恩遇世亦靡得而知安罪戾滋深矣不孝兄弟三人惟安侍先公左右為最久歲癸酉於蘭州節署從壽陽初竊舉先生排次先公奏議初編嗣後遞年增益積成卷帙公之述文成也例取編年茲之所撰則官分其任事別其門俾後之覽者得以究其始末上以備

國史採擇下以為家乘光榮為狀為譜具在於斯世

世子孫尚其無忘先德哉道光十四年四月男容
與容跋